






AA  
520  
Sc 62

classics

CDG

































Reigles generales  
de l'Architecture, sur  
les cinq manieres d'e  
difices, ascauoir, Tus  
cane, Doricq; Ionicq;  
Corinthe, & Cōpo  
site, avec les exemples  
d'antiquitez, selon la  
doctrine de Vitruue.



# A Treshaulte & Tresillustre Princesse,

DAME MARIE, ROYNE DOVAGIERE DE HVNGVE-

rie, Archiducesse. &c. Regente & Gouvernante des payes de pardecha,

son treshumble seruiteur & painctre Piere van Aelst

Felicite, Prosperite, & Valetude.



Amais n'eusse presume moy reputer suffisant a faire chose digne d'estre presentee a la haultesse & excellence de Vostre Maieste, n'eult este, que bien scay, que Vostre bonte naisue prendt bien en gre les petitz presentz & humbles elucubrations, lesquelles elle congnoit proceder des cueurs entiers de ceulx qui les presentent. Dont est Tresillustre Princesse, qu'en ceste fiance me suis auance vous presenter ce present Liure, traduit d'Italien en Francois, contenant les Reigles generales d'Architecture, concordantes a la pluspart avecq les escriptz de Vitruuius: bien scauant (tresuertueuse Princesse) que apres voz grandes occupations, prenez volontiers le loisir de lire liures, ceulx principalement, qui rememorent choses anticques & authentiques, ce que faiet ce present volume: Lequel j'ay rassamble au prouffit de ceulx, qui en leurs Edifices veullent ensuyure l'Anticquite Romaine: Car par ce pourront congnoistre toutz ordres d'Edifices, & aussi auoir elucidation des plusieurs secretz dudit Vitruuius. Lequel vous ay voulu dedyer, affin d'estre authorize entre scauantz & non scauantz, d'autant qu'il soit agreable a Vostre Maieste: Laquelle Dieu tout puissant tousiours conserue en toute prosperite.

## COR. GRAPHEVS LECTORI.

Pictores, Statuarii, Architecti,  
Et vos o Latomi, o Fabri, expetitam  
Quotquot Symmetriam probatis, eia  
Huc adeste alacres, nouum hunc laborem  
Speciate, huncce nouum videte lati  
Thesaurum, exiguoq; comparate  
AEre has diuitias, bene æstimandas  
Ingenti precio: hic meridiano  
Phæbo lucidius queat videri,  
Quicquid toto opere in Vitruuiano  
Aut sit difficile, aut male explicatum,  
Aut non sufficiens, minusq; nostris  
Aptum temporibus: nihil deest iam,  
Nil iam difficile, aut tenebricosum  
In libris legitur Vitruuianis.

Avery

AA

520

Se62





Resbeniuolent Lecteur, i'ay bien voulu preparer aulcunes Reigles en l'Architecteure, presuppasant que non seulement les engins esleuez ayant a entendre, mais aussy ceulx le puissent comprendre, qui sont de maindre ingenieusite, selon ce que iceulx seront plus ou moins a tel art incline : lesquelles Reigles sont diuisees en sept liures, ainsy comme cy desoubz sera denotez. Mais veu que la matiere le comporte, ay voulu commencer a faire ostension de cestuy quatriesme liure, lequel est le plus propitiatoire & necessaire de tous les aultres, par la congnoissance des differentes sortes des Edifices, & de leurs aornementz.

Parquoy de tout ce qu'en ce present liure trouueres agreable, n'en attribueres a moy le loz ny l'honneur, mais principalement a mon precepteur Baltazar Petrucio de Siene, lequel seulement ne fut tresdoct en ceste art, tant par theoricque, que par practique, mais fut ausurplus courtois, & liberal assez, le donnant a cognoistre a ceulx quelz y ont prins delectation, & singulierement a moy, qui cecy (pour aultant que scauoir i'en puis) recongnois auoir receu de sa benignite. Et suyuant son exemple i'ay conclud de faire le mesme a tous ceulx, desquelz ie pretendz n'accepter de moy icelle doctrine en indignation. A celle fin, qu'vng chascun puisse auoir quelque congnoissance de cediecte art & sciēce, n'estant moins a l'esprit delectable, considerant adce qu'on a de faire, que semblablement n'est a la veue estant mise en œuvre. Laquelle science par la vertu des renommez & excellentz ingenieulx espritz, aujourd'hui est pour le present en nostre siecle fleurissant, cōme faisoit au temps de Iulius Cesar, & de Cicero la langue Latine. Accepte doncques de cuer ioyeux, & d'vng esprit gentil (si toutefois l'effect ny est) pour le moins la vouldente & desideration, que certes i'ay heue tresgrande a te satisfaire & cōplaire en cestuy traual. Et ou vous congnoistres que mes forces debilles n'ont peu susporter tant de poix & charge, priez doncques au plus robustes, que pour moy les vueillent soubstenir, & supplissent en tout ce la ou ie pourray estre trouue defaillant.

Au premier liure ie traicteray des commencementz de Geometrie, & des diuerses interseptions de lignes, entant que l'Architecte pourra rendre bon compte de tout ce quil mettra en œuvre.

Au second demōstreray par pourtraicteure & parolles, tant de Perspective, que s'il veult, pourra ouuir son concept en pourtraict visible.

Au troiziesme se verra la Ichnographie, asscauoir, le plant, ou plate forme, la Orthographie, asscauoir, l'esleue du deuant, la Sciographie ou Scenographie, qui vault aultāt a dire, comme les racourcissementz de la maieur part des Edifices, qui sont en Rome, en Italie, & dehors, diligement mesurees, & mises par escript les lieux ou ilz sont avec leurs noms.

Au quatriesme qui est cestuy present liure, se traictera de cinq manieres d'Edifices, & de leurs aornementz, asscauoir, Thuscane, Doricque, Ionicque, Corinthe, & Composite. Et par iceulx se embrasse quasly l'entiere science, par la congnoissance des choses diuerses.

Au cinquiesme parleray de plusieurs sortes & manieres de Temples, designez en diuerses formes, asscauoir, rondz, quarres, de six faces, de huit faces, oualz, & en croix, Auecques leurs plates formes, les droictz, & les racourcissementz diligemment mesurees.

Au sixiesme dirons de tous les habitations, que au iourd'hui se peulent vser, commenceant de la plus vile maisonnette, & de degre en degre, prenant fin au plus aornez palais de Princes, tant par citez, que par villaiges.

Au septiesme & dernier, se finera plusieurs accidentz, qui peulent suruenir a l'Architecte en diuers lieux, & estranges formes de situacions, & en les restaurementz ou restitutions de maisons : & comment nous auons a faire de soy seruir d'aultres Edifices, & pareilles choses qui sont, & ont estees aultrefois mises en œuvre. Or pour mieulx proceder par raisonnable maniere, donneray commencement du plus solide & moins plaissante ordre, asscauoir, de la Thuscane, qui est la plus rustique, & la plus forte & de maindre soubtilite & gracieusete.


Les Antiques dedioient les Edifices aux dieux, les commodans a iceulx selon leur nature, robuste ou delicate, comme la forme qu'on appelle Doricque aux dieux Iupiter, Mars, & au fort Hercules, prenāt sa forme de l'homme. Et la forme Ionicque, a Diane, a Apollo, & a Bacchus, prenant l'œuvre de la forme matronale, qui a part du robuste & delicat. Diane par la nature fœmi-



nine est tendre, mais par l'exercice de la chasse est robuste, ainsi Apollo par sa beaulte est mol & doux, neantmoins est aussy robuste par estre homme. Le mesme dis ie de Bacchus. Mais la Corinthe prinse de la forme virginal, vouloit qu'elle fust dediee a la deesse Vesta presidente des vierges: mais en ces temps modernes, me semble de proceder par aultre maniere non desnoyât pource des Antiques. Mon intencion est, que suyuant noz vsances Chrestiennes dedieray (en tant que par moy se pourra faire) les Edifices sacrez selon leurs especes, a Dieu, & a ses Sainctz: Et les Edifices profanes, tant publiques cōme priuez, dōneray aux hōmes selon l'estat de leurs professions. Je dis doncques, que l'œuure Thuscane (a mon aduis) est cōuenable aux fortresses, cōme seroit a portes de citez, a chasteaulx, a lieux pour cōseruer trespors, ou lieux pour tenir munitiōs & artilleries, a prisons, a portz de mer, & aultres semblables pour l'vsance de guerre. Il est vray que l'œuure Rusticq; cest a dire, de diuers liemētz, grossement embosche de pierre, & encore aulcunes d'icelles faictes auecqs quelq̃ plus de mignotise pour plaisir, que n'ont heuz les Sculpteurs ou maistres ouuriers: aulcunefois il a este meslez des antiques en l'œuure Doricque, & aultresfois en la Ionicque, & en la Corinthe. Neantmoins qu'en verite l'œuure Thuscane est la plus rude, & moins aornee de toutes les aultres, me semble, que la Rusticque se conuient mieulx & est plus conformee a la Thuscane que a aulcune aultre. Lequel manifestemēt se cōprend auoir este obserue des Thuscayns, ainsi dedens en la plus grande & leurs principale cite qui est Florēce, cōme dehors par les villages: en aultantz daussy belles edifices & riches fabricques, pures & nestes faictes d'œuure Rusticque, qu'on en pouloit veoir au remanant de la Crestiennete, non obstant meslez de telle rusticite & delicature, qu'il a pleu aux Architectz. Et pource diray telle œuure estre plus cōuenable au Thuscayn que a aultres especes. Parquoy en recueillāt aulcunes des Antiques, & aulcunes aultres des nostres, demonstreray en diuerses modes de telle œuure, cōment se peultent faire portes de citez & de fortresses: & aussy pour lieux publiques & priuez, frontz, loges, galleries, fenestres, niches, pontz, aqueductz, & aultres diuers ornemētz, que au bon Architect pouroient escheoir. Se pourra bien aussy (nō se desnoyant de ce que ont faict les Antiques) messer & cōmunicquer celle œuure Rusticque auecq; la Doricque, & encore auecq; la Ionicque, & tellefois auecq; la Corinthe, a volente de celluy qui voudra contenter sa fantasie, Lequel plustost se pouroit dire d'estre de licence que de raison, pource que l'Architect doit proceder modestemēt & de ferme entendement, principalement en l'œuure publique & graues, ou est a priser de garder le decore.

Iay voulu ensuyure au cōmencemēt de ce Liure les Comices ou Poetes antiques, aulcun desquels voulant representer vne Comedie, enuoyerēt vng sien messagier deuant, lequel en briefues parolles donnoit notice aux regardātz de tout ce que on auoit a traicter en la Comedie. Parquoy moy ayant a traicter en ce volume des cinq manieres d'edifices, asscauoir, Thuscane, Doricque, Ionicque, Corinthe, & Composite, m'a semble que au cōmencemēt se voyent les figures de chescune espee de ce que lon a de traicter. Et bien que en les coulomnes & en ses ornemētz ne soyent toutes les proportions ny les mesures notees, mais seulement les principales pour reigle generale: neantmoins en leurs lieux ne fault, que tout ne soit note plus menuemēt, mais cecy est seulement cōme iay dict, pour monstrier vne Reigle generale a vne seule veue. Et pour estre mieulx entendu de tous, ie metray au cōmencement des ordres, les voçables de Vitruue, signe aux costez par a b c. affin, que chescun les congnoissant, leur puisse donner noms selon le vulgaire du pays & de la residence. Et pour le premier le piedestal Thuscane, ie dis le plat sans couronne ou base, sera d'vng quarre parfait. Le piedestal Doricque, sera tant plus d'vng quarre aultant qu'est a tirer vne ligne en digone d'vng anglet a laultre du quarre parfait, & la dresser sus pour le droict. Le piedestal Ionicque sera d'vng quarre & demy. Le piedestal Corinthe sera d'vng quarre & deux tiers de ce quarre. Le piedestal Composite, se fera de deux quarez parfaictz. Et ne vous esmerueillez se le Chapitre ensuyuant sera le cinquiesme, que aulcuns pouloient entendre pour le premier: car le premier Liure de Geometrie occupera vng chapitre: le second de Perspective en occupera deux: & le tiers des Antiquitez en occupera vng, que seront quatre. Et pourtant le chapitre suyuant par telle raison sera le quint.








# De l'œuure Thuscane, & de ses ornementz.

## Chap. V.



N trouue aux escriptz de Vitruue, au Liure.iiii. Chap.vii. que la coulomme Thuscane se doibt faire de sept partz en haulteur, avec la Base & Chapiteau: prenant telle mesure en la grosseur de la coulomme embas. La haulteur de la Base, soit de la moitie de la coulomme, & diuisee en deux partz, vne sera pour le Plinthe, l'autre se partira en trois, les deux partz se donneront au Thore, & la tierce partie sera pour la Cinthe, quasi comme scinture: La Proiecture ou faillie d'elle se fera en ceste maniere. Au premier soit faict vng cercle ausly large que la grosseur de la coulomme embas, & celluy mis en vng quarre, & au dehors du quarre sur les quattres angletz, faict vng aultre cercle, cela sera sa faillie: Et pource que toutes les aultres bases ont ses plinthes quarrees, non pourtant ceste de la thuscane doibt estre ronde, selon le texte de Vitruue. La haulteur du chapiteau soit comme de la base: & faict trois partz dudit chapiteau, vng sera le tailloir appelle Abacus, la reste sera party en quatre, dont les trois seront donnees a l'echine, & l'autre au fillet ou cinthe, ou ainsy qu'on le veult nommer. La tierce part restant du chapiteau, soit pour la frize, appelle Hipotrachelium. Le petit bossel desoubz le chapiteau avec son fillet seront de la moitie de la frize. Mais diuise en trois, les deux seront le bossel dict Astragalus, & le tiers le fillet, & aura aultant de faillie que de haulteur. Et combien quil est conioinct au chapiteau, est pourtant membre de la coulomme, laquelle coulomme a la part d'enhault doibt estre retressie la quarte partie. L'Abacus ou tailloir du chapiteau ne sera plus large que la coulomme embas. Mais la maniere de retressir la coulomme sera ceste, que le troncq de la coulomme soit diuise en trois partz, & la tierce partie d'embas demeure a plomb, cest egal de grosseur. Et les deux tiers restantz soient diuise en tant de partz egaulx comme l'on veult, apres sur la tierce partie de la coulomme soit mene vng demy cercle, & la coulomme restressie par dessus a chascun coste la huitiesme partie, que sera en tout la quarte, comme dict est. Du plus estroict doncques de la coulomme menera l'on deux lignes, cheant a plomb sur le demy cercle, & les deux costes du cercle seront diuise en tant de pointz equidistantz comme il ya de diuisions en les deux tiers de la coulomme: & ainsy faict, de ces pointz des deux costez, soient tire lignes au trauers, & a chascune ligne mis son nombre par ordre descendant, & pareillement mis le mesme nombre sur les lignes qui partent la coulomme, certain est que la premiere ligne du cercle saccordera a la ligne desoubz le fillet, puis on portera la seconde ligne du cercle, sur la seconde de la coulomme. Apres soit porte la tierce du cercle, a la tierce de la coulomme. Et la quarte sur la quarte: cecy faict, soit menee vne ligne de la base du demy cercle, iusques a la quarte ligne. Et de la quarte a la tierce, & de la tierce a la seconde, & pareillement de la seconde a la premiere. Et combien que les traictz ou lignes en eulx sont droitz du coste de la coulomme, toutesfois produisent vne ligne curue, de laquelle le diligent artisan, par l'œuure de main vient a neantir tous les angletz, qui sont aux ioinctures des lignes. Et bien que ceste Reigle soit faicte a la coulomme Thuscane, laquelle est retressie la quarte partie & non les aultres, neantmoins pourra seruir a toute sorte de coulomme, & d'aultant que les portions de la coulomme & du demy cercle seront en plus grand nombre d'aultant plus iuste viendra son retressissement.






Chapiteau.

- A. Abacus.
- B. Echine.
- C. Fillet ou Cincte.
- D. Hipotrachelium, ou Frise.
- E. Astragale.
- F. Fillet ou Cincte.
- G. Grosseur du superieur de la coulomme.

- H. Grosseur de l'inferieur de la coulomme.
- I. Cincte.
- K. Thore. } Base.
- L. Plinthe. }

- M. Proiecture ou sail- lie de la Base.
- N. Grosseur de la cou- lomne embas.
- O. Grosseur de la cou- lomne enhault.






# DE LA THVSCANE.


**L**A Coulumne acomplie avecq sa Base & Chapiteau, sur icelle sont a asseoir l'Epistile ou Architrabe, Zophore ou Frise, & Corniche. L'architrabe soit de la haulteur du chapiteau: & la sixte part d'elle sera la Tenia. La Frise soit de la mesme haulteur: Et pareillement la Corniche avec les membres: & que d'elle soit faicte quatre pars, l'une sera pour l'Eschine en lieu de Cimaïse: & les deux pour la Couronne. Et la part restant dōneray on a la Fascie en lieu de cimaïse desoubz icelle couronne. La Saillie du tour soit pour le moins comme sa haulteur. Et au fons de la courōne conuient a faire aucuns caneletz, maieurs ou mineurs, selon l'oportunité de l'œuvre, & au vouloir de l'architecte. Mais par estre ceste œuvre moult ferme & simple de membres, pourra bien a mon semblant l'Architecte prendre licence d'y ioinde aucuns membres ressemblant telle espee d'œuvre. Et cecy se fera quant lon voudra decorer & enrichir ledict œuvre: ainsi qu'on voit icy desoubz apart. Je loue encoire icelles couronnes qui ont plus de saillie que son quarre, entendu que les pierres soient aptes a soy soubstenir es edifices: Lesquelles saillies prestent commodite & aornement: La cōmodite est, sil ya ambulations dessus icelles, de tant plus sera spacieuse, & aussi conseruera l'œuvre des eaues. L'aornement, par ce que ha sa debite distance, l'œuvre semblera a la veue de plus grande satisfaction.





**B**IEN est vray, que iay dict cy dessus, que la Coulombe Thuscane, quant au texte de Vitruue, doit estre de sept diametres avec sa Base & Chapiteau. laquelle proportion & forme est certainemēt bonne & esprouuee. Nonobstant par ce que les plus antiques coulombes furent faictes de six partz, prenant ceste mesure du pied de l'homme, estant (selon Vitruue) la sixte part de luy. Et pource que les coulombes Doriques seront de sept pars, veu que les Antiques pour luy donner plus d'esleuemēt, luy ont adiousté vne part: se me semble, que par telle auctorite, & par estre ceste coulombe de plus robuste façon, qu'elle se doit faire en soy plus basse q̄ la Dorique. Parquoy, a mon aduis, se fera de six pars avecques sa Base & chapiteau: & tout soit pour Reigle generale, obseruant le remanēt des mesures qu'auōs dict en la coulombe passee & en ses aornemētz. Et pour tant que Vitruue, ne aultre Architecte, pour aultant que i'en ay veu, n'ont iamais donnez aucunes Reigles des Stilobates, dict Piedestalz, aussy que aux Antiquites, aultant qu'on en peut veoir, cestes, telles choses furent faictes des Architectz selon leurs accidentz & besoignes, ou par exaltation des coulombes, ou par ascensions aux galeries avecques leurs degrez, ou par aultres leurs acompaignementz. Veue doncques que ne sommes contrainctz de necessite, iugeroie qu'on donna a chascune sorte de coulombe son acomode piedestal, avec aucunes raisons probatiues. Manifeste chose est, que le piedestal veult estre au moins quarrez, i'entens du plat sans Base ny Cime. Estantz doncques la coulombe Thuscane la plus ferme de toutz les aultres, sera son piedestal d'ung quarre pfaict, le front duquel doit estre aultant large que le Plinthe de la Base de la coulombe. Et la haulteur soit diuisee en quatre pars, & se adioustera vne telle part pour le plinthe d'embas, & encoire vne pour la Cime. Lesquelz membres soient sans aucunes entailles. Et ainsi estant la Coulombe de six partz, le Piedestal sera en soy de six partz proportionne a la Coulombe.


B





## DE LA THVSCANE.

**I** Ay promis en ce present volume, de traicter seulement des aornementz & des differentes sortes des Edifices, parquoy ie ne parleray a l'heure, de quelle maniere se doibuent planter les portes des citez & des fortresses avecques les flans & canonnières, & leurs aultres circonstances pour deffence : laissant telle charge aux Architectz de guerre, selon les lieux & accidētz qui suruiennent. Mais ie diray bien, apres l'assiet de la porte ou fortresse, la maniere comment elle doibt estre aornee, par mon aduis, en demonstrent aulcunes figures. Toutte porte de cite ha besoing de poternes : mais pour garder la simmetrie, c'est a dire, correspondance proportionnee, est besoing d'ensuyure par ceste maniere, que aultant que sera la latitude ou largeur de l'ouuer ture de la porte, soit adioustee la moitie d'icelle a sa haulteur. La largeur soit diuisee en six pars & vng fera le pilastre du dextre & senestre coste. Le front des pilliers soit la tierce partie de la largeur de la porte : & soit la haulteur de cinq partz, avec les Bases & chapiteaulx. La haulteur des Bases soit de la tierce partie du pilier, & ainly les chapiteaulx, obseruāt touteffois la Reigle deuant donnee. L'architrabe, Frise, & Corniche, soient ensemble en haulteur d'vne largeur des piliers, ausly ensuyuant la predite Reigle. Entre l'vng des piliers a l'autre sera la poterne, & sa largeur sera comme le front du pilier : & la haulteur soit dupliee a la largeur. Ses pilastres des costez seront la tierce partie de la mesme poterne. L'elevation sur la porte sera a l'arbitre & vou lente de l'Architect. Mais la proportion du fastige ou frontispice, monstrerons en deux sortes en l'ordre Doricque.





ET pource que l'Architecte doit estre copieux d'inuentions, pour satiffaire a soy & aux aultres, l'on pourra encoire en ceste aultre maniere aorner la porte d'une cite ou fortresse, gardant ceste reigle, Que aultant sera large l'ouuerture d'icelle porte, soit sa haulteur vne sexquialtera, c'est a dire, deux partz en largeur, & trois en haulteur. Les Pilastres soient la huitiesme partie de la largeur de la porte. Et la coulomme soit la quarte part d'icelle porte. Mais par estre la coulomme la tierce partie enmuree, avecques les aultres pierres, mise plus pour aornement, que pour soubstenemēt, elle se fera de sept partz en haulteur. Et aussy se comporteroit de huit en tel cas quant l'Architecte voudroit faire la porte plus gracile. L'ouuerture des poternes de coste sera de la moitie de la principale porte : & ses Pilastres ainsy que celles de la grande : & sa haulteur sera que la fascie qui soubstient l'arc, soit son supercile ou architraue. Et s'on ne trouue pierre d'une piece pour telle besoigne, soient faictz les penantz ainsy que le desseing le demonstre. Et ainsy la proportion de ces petites poternes sera de Supbipartiens tertias, cela est, trois partz en largeur & cinq en haulteur. Les penantz de l'arc seront quinze. Aux Bases, Chapiteaulx, Architraue, Frise, & Corniche, soit obseruee la Reigle deuant donnee. Pareillement l'elevation du millieu sera au vouloir de l'Architecte, ainsy que des aultres est mentionne. Et telles œures tant plus grossement seront emboche, tant myeux garderont le decore de la fortresse.




B.ii.




# DE LA THVSCANE.

EN aultre mode plus simple , & aussy plus forte se pourra faire la porte d'une cite , ou chasteau, obseruant le desseing ou pourtraiect cy dessoubz note . Et sa proportion soit aultant en largeur d'ouuerture que la haulteur fine dessoubz la fascie , qui soubstient la volsure . Et sa haulteur soit de la fascie en dessus d'vng demy cercle. Mais tousiours est en la voulente de l'Architect, de plus ou moins selon le besoing, & principalement quant il est contrainct de quelque accedent . & ainsy aux deux costez les moindres portelettes sont de faire cōme i'ay dict des aultres. leur largeur soit de la moitie de la porte du mitant. Et aultant de massif soit laisse entre la grande & deux petites. La haulteur desquelles soit doublee a la largeur . Et ainsy la fascie qui soubstient l'arc, sera encoire soubstenement aux penantz de ces poternes. Et encoire se pourroit faire que la fascie fuisse le mesme supercille ou architraue d'icelles. Laquelle ainsy que dict est, se peult faire maieur ou mineur, ainsy que bon semblera a l'Architect, non desnoyant par ce de la forme donnee .






**L**A diuersite des inuentions faict aulcunefois prendre partie a l'Architect des choses desquelles il n'a parauenture iamais heu en penlee . Parquoy la figure ensuyuante prestera grande commodite & vtilite aux Edifices, selon les accidentz que pourront escheoir a l'Architect, ainly que seroit au mur d'une fortresse, combien que les mures fussent de bonne grosseur, faisant ceste œuvre par dedens. Premier fera seruice de loge pour estre au couuert, & fera plus large ambulation dessus, cōmode a la deffence & au temps d'une batterie, pour plus d'asseurace l'on pourroit remplir toutes les arcures de terre. Pourroit aussi aulcunefois escheoir a l'Architect de bastir pres d'une montaigne, la ou pour se assurer de ladicte montaigne, qui par les eaux qui continuellement des pluyes descendent, conduisent encoire le terreyn embas. Parquoy est besoing, d'appuyer a vng tel mont de semblables edifices, par lesquelles non seulement l'on sera assure de tel suspect, mais fera grant aornement a sa fabricque. Et de pareille inuention se acōmodoit Raphael Durbin a Monte Mario vng peu dela Rome a la vigne de Clemēt le.vii. de luy commence au Cardinalat de Ieronimo Genga. & al colle Imperiale hors de Pesero vng peu distant a vne tresbelle edifice pour cōmodite de son patron de telle inuention s'en est seruy pour soubstenemēt d'une deffence d'eaux, pour appuye contrē vng mont, mais faict de brique moult delicat.






# DE LA THVSCANE.

**L**ES Antiques ont vlez de diuerſes manieres de lyementz en ceſte œuvre Ruſticque, ſi comme cy deſoubz eſt demonſtre. De laquelle inuention l'Architecte ſe pourra accomoder a diuerſes choſes, ſelon les accidentz qui ſuruiennent. Sa meſure ſera, que l'ouuerture ſoit d'vng quarre parfait. Le maſſif (aſſcauoir du mur) entre l'ouuerture de l'vne & de l'autre, ſoit la quarte partie moindre d'icelle. Le Supercile ou Architrabe ſoit de la quarte partie de ladicte ouuerture, Et ſoit faiet de penantz qui courent ſur le centre en nombre inegal. Et ſur icelluy Supercile ſoit mene vng demy cercle, party en neuf egales portions: les lignes auſſy tirees ſur le centre. Les penantz ainſy forme, avec les trois pieces miſes entredeux, & la faſcie deſſus, ſera vne œuvre treſforte & perpetuelle. Mais a celle fin que les penantz du ſupercile ou architrabe ſe tiennent plus ferme, ſera beſoing de remplir le demy cercle de bricques ou pierres cuytes. Auſſy pour plus grant aornement les peult on croiſer, comme les Antiques du temps paſſe ont vſe. Si cōme on trouue encoire a preſent en Rome a ſainct Coſme & Damien, pour l'heure encoire treſ forte, combien touteſſois que des plus antiques ſoient.



**D**E ceste porte l'ingenieux Architecte se pourra seruir en diuerses places, comme dict est au commencement. Mais non pas a portes de fortresses, par ce que l'entree d'icelle ne seroit propice a manier artillerie, ny a aulcunes vtenfilles de guerre. Neantmoins par dehors peult elle seruir a quelq̃ porte. De laquelle sera la proportion telle, que l'ouuerture ou iour, sera deux fois aussy hault que la largeur d'icelle. Les Penantz du demy cercle seront en nombre de .ix. Et toutes les lignes soient tirees sur le centre du cercle. La Fascie soubstenant l'arcure, soit de la septiesme part de la porte. Et depuis icelle fascie embas iusques au pauement sera party en sept partz & demy, & se feront six gisfeez de pierres : les trois d'icelles se partiront chascune en vne part & demye, & les trois aultres chascune d'vne part. Et ainsy seront distribue les .vii. partz & demy. La haulteur du Penant estant au mytan, soit la moitie de la largeur de la porte. La Fascie dessus les penantz soit de la haulteur du pied dudiect penant. Neantmoins le penant du miellieu, & aussy le pied d'icelluy sera la quatriesme part maieur que les aultres.






## DE LA THVSCANE.

**L**A porte sequente pourra aussy seruir a tous les edifices cy deuant mentionnez . Et principalement aux moitresses, & aultres semblables estantz sur les champs . Cōme en plusieurs lieux d'Italye encoire a present on en voit . De laquelle la proportion sera telle, que la largeur de l'ouuerture (ou du iour, ainsy que l'on le veult nommer) soit doublee iusques en desoubz l'arcure d'icelle . Les Pilastres venantz aux deux costez de l'ouuerture , seront chascun de la largeur de la dicte ouuerture la cinquiesme part . Pareillement de telle mesure sera l'arcure . Le grant Pillier sera encoire vne fois aussy large que le dict Pilastre : & la haulteur de six largeurs d'icelluy. La Base soit en haulteur de la quatriesme partie de la largeur du dict Pillier : & le Chapiteau la tierce partie. La Fascie qui sert au lieu de l'Epistile, ou Architrabe, soit de la haulteur du Chapiteau. Pareillement la Frise, & la Corniche. Mais des particuliers membres, cōme des Bases, Chapiteaulx, & Corniches, on obseruera la deuant dicte ordre. L'Imposte qui soubstient l'arcure, soit de la haulteur du Chapiteau, party en la mesme mesure. Le partaige ou mesure des Penantz deuant dictz, & aultres pierres, se pourront legierement trouuer au compas.

Et si l'on veult mettre le Frontispice dessus, pour plus grant enrichissement, l'on en verra cy apres en l'ordre Doricque de deux sortes.









## DE LA THVSCANE.

**C**ombien que la porte cy desoubz pourtraicte soit fort differente des aultres manieres, neantmoins pource que c'est vng œuure d'uyfable a l'ordre Thuscane, & qu'elle est anticque, a mon aduis l'ay bien voulu meſtre cy desoubz en figure. Laquelle par cy deuant ſouloit eſtre en Rome en Capo de la militia trayana, combien que a preſent pour les ruynes du temps paſſe l'on ne la voit. Les deux Poternes eſtantz de coſtez, ſont hors leurs places, deſquelles l'expert Architecſt ſe pourra ſeruir en les meſtant en leurs lieux conuenables. Des meſures & proportions d'icelles, par les Reigles cy deuant donnees, pourra L'architecſt facillemēt paruenir a ſon intention. Et de la porte ne donneray aucune meſure, car telle eſt legiere a trouuer.



**C** Este aultre sorte de porte, est couuerte de la sixiesme part du cercle: & est oeuvre tresforte. Nonobstant les penantz ne se peultent acompaigner avecques aultres liemens de pierres. Parquoy vueillant faire telle oeuvre, se tiendrait bien en vng mur de bricques. Et quant a sa proportion, ne me la veulx estendre plusauant, adcause, que cest chose facile a trouuer la mesure par manymement du compas, & les Nichetz mis au costez pour emplir le champ, l'Architect les pourra poser a son plaisir, la ou myeulx a propos elles duyront. Non pas que iceulx Nichetz seruent seulement a telle oeuvre, mais ausy pour fenestres. Neantmoins si se trouue que lesdictz nichetz y conuiennent estre, pour dedens poser aucunes figures ou statues esleuees, tousiours sera chose agreable & plaisante, que la haulteur passe la double proportion, affin que quant l'on posera aucunes figures dedens, myeulx soient correspondentz. Laquelle chose se reserve tousiours au iugement de l'Architect.





**I**L a pleu & a este chose agreable parcy deuant aux vielz & anticques Romains, de mesler avecque le Rusticque non seulement le Doricque, mais aussi le Ionicque, & d'auantage le Corinthie. Parquoy ne sera aucune erreur, si d'une maniere l'on fait aucune meslee, representant en vne partie l'œuvre de nature, & vne autre partie l'œuvre d'artifice. Par ce que les coulomnes meslees avecques pierres Rusticques, & aussi l'Architrave & Frise corumpues par les penantz, signifient œuvre naturelle. Mais les Chapiteaux & vne partie des coulomnes, aussi la Corniche, avec ce le Frontispice demonstrent œuvre de mains. Lequel entremect & meslee, me semble a mon aduis estre fort plaisant a la veue, & represente en soy mesmes grosse force. A ceste cause iugeroye la estre myeulx duysable a fortresses que autrepert. Neantmoins en qu'elle place que vng edifice Rusticque sera mise, tousiours viendra bien a point. Et en telle entremeslee a heu Iulius Romanus plus grande delectation que nulz autres. Ainsi que Rome tesmoigne en plusieurs lieux, & aussi Mantua, & la dehors au beau palais appelle, el Te: vng vray exemple en nostre temps d'Architecture, & de Peinture. La mesure de ceste porte est ainsi a faire, que la largeur de l'ouverture soit de double proportion. C'est que la hauteur iusques desoubz l'arcure soit de deux largeurs. Le pilastre sera de la septiesme partie de la largeur de l'ouverture. Et la coulombe deux fois aussi grosse que le pilastre. sa hauteur avec le chapiteau sera de huit parties. Le Chapiteau, Architrave, Frise, & Corniche sera fait comme il est dict au commencement, ainsi sera aussi monstre le fastigie, frontispice, pignon ou comble au

Doricque, comme il est mentionne. Le demy cercle de l'arcure sera party en vnze, pour les penantz, mais la noix fermant l'arcure sera vng petit plus grosse, & si l'on plaist a

l'Architecte, il la peut faire plus sortir que les penantz. La fascie qui soutient l'arcure, sera d'une demy coulombe d'espaisseur, & de depuis la

embas l'on partira en neuf, desquelles parties seront deux pour la plus basse part de la coulombe, & les autres sept parties

egalement seront les pierres qui lieront & trauerse-

ront la coulombe. Et plus rudement sera ceste

ouuraige embosche (neantmoins artificia-

lement) tant plus gaillard se mon-

strera cest ordre. Principa-


lement les pierres qui

seindent la coulom-

ne, & aussi les

penantz.









## DE LA THVSCANE.

**C**E n'est pas assez que l'œuvre soit de bonne fortitude, mais conuient aussi estre agreable a loeil, & d'ingenieux artifice. Parquoy ceste maniere de liement de pierres n'est seulement treffort, mais aussi ingenieux & agreable aux regardans. de laquelle inuention l'Architecte se pourra seruir en plusieurs choses. Sa proportiō sera telle, q̄ la haulteur de l'ouuerture soit d'une largeur & demye. Le demy cercle soit party en neuf & vng quart. Pource que la noix du milieu sera la quatriesme partie plus large que les aultres. La haulteur d'icelle noix ou pierre du milieu soit de la moitie de l'ouuerture. La platte fascie soubstenant l'arcure, aura la septiesme partie de ladicte ouuerture. Et depuis la fascie embas sera faict sept partz. La fascie dessus les penantz sera aussi large comme la noix ou pierre du milieu est au desoubz. Laquelle on peult faire pendre desoubz la .viii. partie de sa largeur. Et quant aux ligatures tant des aultres pierres comme des penantz, apertement le voit on en la figure.




**E**T pource que les commoditez sont conuerties en aornemētz, & aulcunefois l'aornement ou enrichissement excède la necessite pour demonstrier l'art & ausly la richesse de ceulx qui preignent plaisir a fabricquer. Parquoy ceste inuention est faicte pour aysement, pour fortresse, & pour enrichissement: pour aysement, adcause de l'ouuerture d'iceulx: pour fortresse, au regard que entredeux ya beaucoup de massifz ou mures, & bien lye: pour decor, par ce d'estre riches d'aornement. De laquelle inuention (comme dict est) L'architecte se pourra ayder en diuerses ouuraiges. La proportion d'icelle sera, que le solide ou massif soit ausly large que l'ouuerture: laquelle ouuerture sera mise deuxfois pour la haulteur. Les Pilastres seront de la huitiesme partie de l'ouuerture: & les coulomnes la quatriesme part. Les entrecoulomnes (c'est a dire) l'entredeux des deux coulomnes, soit vne coulomme de largeur. La haulteur desdictz coulomnes avecq Base & Chapiteaulx soit de huit partz. En l'architrabe, frise, cornice, base, & chapiteaulx soit obseruee la Reigle predicte. Les Penantz & aultres ligatures voit on en la figure. Et combien que les coulomnes excèdent encoire deux partyes plus que la deuant dicte Reigle donnee, neantmoins par estre si pres l'une de l'autre, & ausly en partye dedens le mur massonnees, mise plus pour enrichissement que pour force ou soubstenement de l'œuvre. Parquoy en tel cas se peult comporter par l'auctorite de plusieurs œuvres anticques.






**T** Resbelle chose est a l'Architecte d'estre habondant d'inuentions, pour la diuersite des accidens qui suruiengnēt a l'edificateur. Car souuentefois l'on trouue bon nombre de coulomnes, mais si bas ou courtes, qu'elles ne duyroient nullement adce qu'on auroit de besoing, si ce n'est, que l'Architecte trouue moyen dicelles soy seruir. Et pource si la coulombe n'est si haulte qu'elle puisse estendre iusques desoubz la fascie, qui couche rasibu du planchier de ceste loge, l'on pourra par ceste maniere de penantz monter a raisonnable haulteur. Pourtant, endementiers qu'il ya du dextre & senestre coste bon contrefortz & appuy, quant au poix ou pesanteur de dessus sera tressfort. Mais pour voulsir sans lyer avec fers on verges de cuyure, ne seroit chose seure. Moins de doubte seroit, si la loge n'estoit non plus large qu'on la puißt couvrir de pierre d'une piece, ou pareillement d'y pourueoir avecques bon sommiers, &c. La proportion de ceste oeuvre sera, que la largeur de l'arcure, contiendra l'espace de quatre grosseurs de coulombe. Et la haulteur deux fois aultant. Les moindres espaces ou entrecoulomnes seront de trois grosseurs de coulombe, & la haulteur de six coulomnes. Parainsy viendra chascune largeur deux fois plushaute que large. Et les coulomnes soubstenantz grosse charge seront de la mesure prediecte. La reste voit on tresclerement en la figure. Et quant au bases & chapiteaux est du tout dict par la premiere coulombe.




**C**ombien que ceste arcure est tressorte, adcause de la concordance des liementz, il est auec ce ingenieux & trespaisant a loel : laquelle inuention ne seruira seulement a loges ou galeries de telle oeuvre, mais aussy a pontz de riuieres & torrentz : pareillement pour conduyre eaux d'une montaigne a aultre. La proportion est, que la largeur d'vng Pilastre a aultre soit aussy la haulteur iusques desoubz la fascie qui soubstient l'arcure. La fascie soit la septiesme partie de ladicte largeur. Et depuis la fascie embas sera party en six. Le demy cercle soit party en neuf & vng quart. Car la noix fermant l'arcure, est la quatriesme partie plusgrande que les aultres. La reste trouue l'on au compas.






## DE LA THVSCANE.

**I**L pourroit aulcunefois escheoir, que en vng gros mur conuiendroit auoir pour besoing & commodite de l'edifice plusieurs trouz ou ouuertes, la ou ceste œuure pour supporter toutes pesanteurs se trouueroit tressorte. Et sil n'estoit besoing de tant d'ouuertes, on peult les aulcunes remplir de pierres cuyttes ou bricques. Laquelle proportion sera, que l'espace de l'ouuerture ou iour, & du massif, seront d'vne egale largeur, & deux fois aussy hault que large. Combien que telles choses sont a multiplier & diminuer selon le bon vouloir de Larchitect. Et semblables oeuures voit on encore a present en Rome, non seulement fort vieilles & antiques, mais aussy encore tressortz pour le iourdhy. L'exemple de ceste est a Saint Cosme & Damien.




**L**ON dict, que le veoir faict souuenir. Parquoy souuentefois est faict, ce qu'on ne feroit point, si on ne l'eust veu nul lepart. Ainsi suruient, qu'en vng iardin ou aultre place l'on trouue aulcun pand de mur, auquel ny aura huys ou fenestre, toutefois aura besoing d'estre enrichy en ceste rude maniere: & de telle oeuvre Rusticque l'expert Architecte se pourra seruir avec ceste inuention: Auquelz lieux se pourront mettre statues & aultres reliques d'antiquite, de la proportion & de ses mesures ne feray point de mention, car se sera a la vouldente de l'Architecte, iceulx haulser & rabaisser, selon les accidens qui peultent suruenir.






# DE LA THVSCANE.

**E**T pource que la pluspart des Supercilles ou Architrabes, ainsi que ne mmer les veulens, qui sont mises sur portes ou aultres bouticles, par la distance (si la pierre n'est de bonne grosseur) ne peultent icelles resister a la pesanteur: parquoy au temps aduenir viennent a rompre, comme l'on aperceoit en tresp plusieurs places. Par ce l'on pourra nonebstant la grande distance (entendu aussy que les espauls des costez soient fortes) faire tel ouuraige de pieces: ainsi comme icy desoubz est pourtraict en deux manieres, lequel sans faulte nulle sera trefort: Et tant plus sera la charge de dessus grande, tant plus sera de longue duree.






**C**ombien que aux Liures de Vitruue n'ya nulle notice, en quelle maniere les Antiques v-  
 soient en palais & lieux notables, des feuz a chauffer. Lon ne trouue aussy aux Edifices an-  
 tiques aulcunes apparences de cheminee, qui donnent yssue de fumee. Ny aussy oncques n'ay  
 sceu de nulz Architectz pouoir entendre l'occasion d'icelles. Neantmoins par ce que de plus-  
 ieurs annees de cha l'on ha acoustume non seulement de faire feuz en sales & chambres, pour  
 aysement & soulage des personnes, mais aussy de faire en telles places diuerses aornementz.  
 Considerant doncques que traicter ie veulx en ce volume de tous les aornemētz, que a l'Archi-  
 tect & a la fabricque pourroient escheoir, ne sera aussy delaisse de demonstrier aulcunes formes  
 de cheminees ou astres, ainly que appeller les voulons. Lesquelles s'accordent avec la maniere  
 Thuscane, qant besoing en telle Edifice on en aura, l'vne est delicate sortant du mur, l'autre  
 d'œuvre Rusticque comprinsē en l'espaisseur du mur.






## DE LA THVSCANE.


Les premiers oeuvres rustiques furent faictes en ceste maniere, sicomme de pieces de pierres rudement esboches, mais leurs assemblaiges sont faictes a diligence.




Puis apres ilz ont avecques plusgrande amyablete, partys les pierres avec le plat qui les diuisent, Et puis apres pour plusgrand enrichissement ont faict les croisures par dessus trauersant. Aultres Architectz y vueillant adiouster diamantz labourez, ont faict avec plusgrande neçtere en maniere telle.



Et ainly de siecle en siecle est suruenu tousiours rechangeement, que pour diamantz l'on ha pose tables plattes, & aussy plus de relieue, sicomme cy desoubz on apperçoit.



Aulcuns aultres Architectz ont voulu vser de plusgrande specialite & partissement plus raisis & ordonne: Neantmoins telle ceuvre ha son origine ou sortissement de la Rusticque, Laquelle encore communement poincte de diamantz lon appelle.



¶ Cy fine la maniere Thuscane, & commence  
l'ordre de la Doricque.




# De la maniere de l'ordre Doricque,

## AVECQVES SES AORNEMENTS. CHAP. VI.




Elon les antiques, qui ont confiderez les estatx des Dieux, & ordonnerent la doricque a Iupiter, Mars, Hercules, & aultres dieux robustes (ainsi qu'aues oy) nous vueillans a Christ, Paul, Piere, George, ou aultres Sainctz pareilles, aulcun temple edifier, qui n'ont seulement heu profession de souldartz, mais sont virilz & fortz demonstrez en leurs vies, estandant icelles pour la foy en IESV Christ: a telz appartient l'oeuvre Doricque. Et non seulement aux dieux, mais ausly a gens d'armes & de force, soient grandz psonnaiges, moyens, ou petitx: quelles edifices qu'on leur faisse, appartiēt ceste maniere Doricque. Et tant plus est le personnage robuste, d'autant luy appartient oeuvre plus ferme: tant plus est icelluy ausly delicat, d'autant plus fera on l'oeuvre amyable, ainsy que en sa place nous dirons. Venons doncques de rechief aux oeuvres particulaires & leurs proportions. De ceste Doricque traite Vitruue au quatriesme Liure, Chap. iiii. mais de la Base de la coulomme ha il traite au troiziesme liure: combien que l'opinion d'aulcū est, que se deburoit estre la Base de Corinthe, veu que beaucoup lon en ha vse a la coulom. Corinthie & Ionicque. Pareillement semble ausly aulcuns, que la coulomme Doricque n'auoit point de Base, ayant regard a plusieurs edifices, sicōme au Theatre de Marcello en Rome, vne de plus belle edifice, & du millieu embas Doricque. Lesquelles coulom. n'ont nulz bases, mais sinon le troncq reposant sur vng degre sans aultre membre. Il ya encore, al Carcer Tulliano, les enseignes d'vng temple doricque, duquel les coulom. sont sans bases. Lon voit ausly a Verone vng Arcq triūphal d'oeuvre doricque, auquel pareillemēt les coulom. sont sans bases. Neantmoins pource que les antiques ont fait les bases Corinthiens en aultre maniere, ainsy q̄ en son lieu ie demōstreray, ie dis la base Atticurga de Vitru. au. iiii. liure, estre doricque. Et cecy voit on Bramāt architecte auoir obserue en sa fabricque p luy faicte en Rome. Lequel Bramāt ayant este la lumiere & inuēteur de la bonne & vraye architecture, laquelle d'antiques anal iusques en son temps, soubz Iulio. ii. P. M. auoit estee ensepuelie, doit on dōner plaine foy. La base doricque doncq̄s fera haulte vne demy grosseur de coulomme, & le plinte la tierce partie de sa haulteur. de la reste soient faictes quatre parties, vne sera pour le thore d'enhault, les aultres trois soient en deux egales parties diuise. Lune pour le thore d'embas, & laultre donnera on au trochille ou scotie. Mais icelluy party en sept, lune sera pour le fillet superieur, & laultre pour linferieur. La proiecture ou faillie de la base soit de la moitie de sa haulteur, & par ainsy sera le plinthe sur chascune fascie vne grosseur & demye de coulomme. Et si la base est en desoubz la veue, le fillet estant soubz le thore superieur occupe dicelluy appartiēt estre vng peu plusgrād que laultre. Mais si le base est par dessus la veue, le fillet du thore inferieur semblablement aueugle dicelluy sera plusgrād q̄ laultre. Au cas pareille la Scotie occupee du thore p telle cause la fera on plusgrāde que la mesure dōnee, & en telz accidētz doit l'architecte aduiser deuāt luy. Par quoy Vitru. desire, q̄ les estudiā en ses liures, soient instruits en mathematique.






# DE LA DORICQVE.




ET pource que Vitruue ha distribue ceste ordre Doricque en modelles, faisant la Coulombe de deux modelles en grosseur, & sa haulteur avec la Base & chapiteau de quatorze modelles Ainſy vient la Base doncques en haulteur vne modelle. Le tronc de la coulombe sera de douze modelles, & le chapiteau d'une, que seront en tout quatorze. La haulteur du chapiteau sera party en trois, desquelles l'une sera pour le Plinthe, appelle de Vitruue Abacus: auquel ſentend ſa Cimatie: l'autre partie pour l'echine avec les anneaux: la tierce ſoit donnee a Lhippotrachelie ou frize, Laquelle ſoit de grosseur la ſixiesme part moindre que la coulombe embas. La largeur du chapiteau en la ſuperieure partie ſoit a chaſcune faſcie deux modelles, & la ſixiesme part d'ung model. Et cecy eſt ſelon le texte de Vitruue. Combien que ie me donne a entendre, que le texte eſt corrompu a la proieſture, laquelle en eſſect correſpond treſpourement au regard de ce qu'on voit aux antiques. Et pource apres ce chapiteau en feray vng aultre a mon opinion, avecques ſes particuliers meſures plus amplement dechiffre, veu que Vitruue les paſſe en brief. Quant doncques le chapiteau eſtant diuiſe en trois, ainſy que dict eſt, ie diroye que le Plinthe ou Abacus ſe doit auſſy partir en trois. Vne part pour la Cimatie, avec ſa Reigle ou fillet: & icelle cimatie diuiſee en trois, l'une diuiſion ſera pour le fillet, & les deux aultres pour la predite Cimatie. L'echine ſoit pareillemēt partie en trois, les deux tiers ſoient pour l'echine, & la reſte pour les anneaux ou filletz, les diſtribuant auſſy en trois, donnant a chaſcun vne part. Lhipotrachelie ou frize ſoit comme cy deuant eſt mentionne. La ſaillie de chaſcun membre ſoit ſemblable a ſa haulteur. Ainſy faiſant par Raiſonnable preuue ſera fait & plaſant aux yeulx des regardans.






**D**essus les Chapiteaulx assied on Lepistilie ou Architrabe, duquel la haulteur sera dune Modelle, & icelle diuisee en sept, lune sera pour la Tenia. Les guttes avecques leurs fillet, desoubz la Tenia (appelle de Vitruue subtenia) soient la sixiesme part dune Modelle. Laquelle haulteur partie en quatre, les trois portiōs seront les Guttes, & l'autre pour le fillet. Les guttes soient en nombre de six pendāt soubz les Triglyphes. La haulteur diceulx Triglyphes soit vne modelle & demye, & en largeur vne modelle: laquelle largeur diuisee en douze, a chascun coste laissera on vng demy pour les demys canelitz: & des dix partz restantes, baillera on les six pour le plat des triglyphes, & quatre pour les canelitz ou caueures du milieu. De lung Triglyph a l'autre sera l'espace dune modelle & demye, laquelle espace viendra en egale carreure, & sont nommez de Vitruue Methope. Esquelles espaces quant pour plus grand aornement on les veult enrichir, on y taillera testes de beufz, avec platz, ou escuelles, & non sans signification. Car les Anticques vueillant faire Sacrifices de Thoreaux, adce vsoient ausy de platz ou escuelles, & posèrent doncques telles choses pour enrichissement a l'entour de leurs temples. Sur les Triglyphes meēt on leurs Chapiteaulx. La haulteur diceulx soit de la sixiesme part dune modelle. Dessus les Triglyphes ou Chapiteaux, assied on la Coronne avec les deux Cimaifes, lune dessus & l'autre desoubz, & le tout party en cinq portions, les trois seront pour la Coronne, & les deux aultres pour les Cimaifes. Mais la haulteur de tout soit dune demye modelle. Dessus la Corone pose on la Scime: la haulteur de laquelle sera dune demye modelle, adioustant encore la huietieme partie pour son fillet denhaut. La Proiecture ou faillie de la corone soit de trois pars, les deux dune modelle. Et au fond de la Corone droitement dessus les Triglyphes, sont les Guttes assises par ordre, ainsi que veoir le pouez pendant au coste de la figure ou lettres a b c d. Et ausy entre lesdictz Triglyphes taillent on Fulmines, ou l'on peult laisser la place vuyde. La Proiecture de la Scime soit semblable a sa haulteur. Et ainsi aura chascune partie, reserue la Coronne, laquelle ayant plusgrande proiecture ou faillie que les aultres membres, moyennāt que les pierres le puissent supporter, se demonstrera de meilleure grauite. Et cecy voit on les vielz Romains auoir obserue. Ainsi qu'en son lieu donneray aulcune notice par Figures & mesures.










**S**i la Coulõne fera striee ou canalee, iceulx serõt en nombre de vingt: en sorte cauez que de lūg coste a laultre de lespace des stries ou gueulles fera tire vne ligne droicte. laquelle sera le coste dung quadrat: & ledict quadrat acomply, assoira on au centre dicelluy la poincte du cõpas, & avec laultre poincte l'on touchera lung & laultre anglet: & circuyant fera sa iuste caeure. Laquelle sera la quatriefme partie dung cercle. Ainsy que cy desoubz est demonstre.



Et si pour exaltation des Coulõnes ou pour aultres choses bẽsoing estoit, de Stilobate ou Piedestal, nõ ayant a obeyr a aulcũe chose de plusgrande ou de moindre haulteur, & ainsy sera le coste de ce Stilobate semblable au Plinthe de la Base de la Coulomne, & la haulteur (asscauoir du plain) soit q̃ de sa largeur faict vng quarre parfaict, & de lung des boutz a laultre tiree vne ligne en Diagone, & aultant que ledict Diagone tient en longueur, aultāt sera la haulteur dicelluy plat, lequel diuise en cinq parties, lune desquelles mettra on dessus ledict plat pour la Cimatie, & encor vne pour la Base, & ainsy sera le Piedestal de sept pars pareil a la coulomne. Et combien que ceste presente proiection du Chapiteau oultre passe la reigle de Vitruue, adcause quelle est perpendiculaire avec le Plinthe de la Baze, Neantmoins pource que i'en ay veu en daulcuns Antiques, & aussy faict de telle sorte mestre en oeuvre: ma semble q̃ icy les vouloie mestre a la cõplacence de ceulx qui vser en veullent. Nonobstāt que les Vitruuiẽs (nõ ayant hante ny maniez les Antiques) nyerõt ceste opiniõ. Mais sil vueillent auoir regard a l'Abacus du Corinthe, duquel la proiection est egalement faillant comme le Plinthe de la Base, ne depri seront si tost telle proiection.



Et pource que ie trouue grosse differēce entre les escriptures de Vitruue & les choses de Rome & aultres places d'Italie, ay voulu demōstrer aulcūes parties des q̄lles encore lon voit en œuvre. Cō bien q̄lles sont sans mesures, neantmoins sont proportionēes apres les grādz, & avec diligēce mises en petit. Le chapiteau R. fut trouue hors Rome a vng pont du Tybre. Le chapiteau V. est en Verone sur vng arc triūphal. Le chapiteau T est en Rome a vng temple doricq̄ au carcer Tulliano. Le chap. P. fut trouue a Pesaro avec plusieurs aultres louables anticq̄s. La proiection duquel cōbien quelle soit grande, touttefois est plaissante aux regardantz. Le basemēt, la base, & le chapiteau A, sont en Rome al foro boario. La corniche, le chapiteau & l'imposte dung arcq B, sont au Theatre de Marcello. La corniche, frize, & architrabe A, sont pareillemēt en Rome al foro boario. Lesquelles choses iay voulu demonstrier, a celle fin que Larchitect puisse choisir celles qui myeulx luy plaise.











**E**stant doncques les distributions des Triglyphes & Methopes en ceste ordre difficile nonobstant tresnecessaire . Parainsy me efforceray icelle esclaircir aultant que possible me sera. Parquoy ie dis tout premierement, combien que le texte de Vitruue declare & dict, que les Modelles de l'œuvre Hexastilos, cest de six coulomnes, vueillant estre distribue en trente cinq, ie ne trouue touteffois que la compartition puisse ainsy estre. Pource que vueillant donner l'entrecoulonne du millieu quatre Methopes, & aux aultres espaces trois, le dessusdict nombre ne le peult accomplir. Mais aultant que puis considerer, veullent estre quarante deux, ainsy qu'en la suyuate Figure l'on peult veoir & compter. Ainsy aussi en l'œuvre Thetraftilos, qui est de quatre coulomnes, le texte dict, que le front de toute l'œuvre deburoit estre diuise en vingt & trois. Lequel ainsy demeurer ne peult, vueillant donner a l'espace du mytan quatre Methopes, & les aultres deux chascune trois Methopes. Mais a mon aduis appartiennent d'estre le nombre de .xxvii. ainsy comme pareillement en la figure consequente l'on peult apparcevoir . Quant doncques le frond du Temple sera party en .xxvii. deux modelles aura la coulomme de grosseur . L'entrecoulonne du myllieu sera de huit modelles, & celles des costez seront chascune de cinq & demye. Par ainsy seront les .xxvii. despartis, Et sur chascune coulomme son Triglyphe mis. Et lesdictz Triglyphes & Methopes diuise selon la reigle deuandict, viendra l'espace du millieu a auoir quatre Methopes, & celles des costez en auront trois. La haulteur de la coulomme, Chapiteau, Architrabe, &c. seront obserue selon la deuandict reigle. Mais la haulteur du Fastige, ou pignon, soit la neufiesme partie de la longueur de la Cimaïse estant sur la Corône, mettant la mesure soubz A, finant droictement a la Cimaïse estant soubz la Couronne denhault . Les Acroteries sur le Fastige, seront en haulteur la moitié du fastige ou pignon, Asscauoir du plain ou plat, appelle de Vitruue Timpane, deuant seront large comme la coulomme, est desoubz son Chapiteau, & celle du millieu soit l'huictiesme partie plushaute que les aultres . Et pource que la porte ou huys de ceste Doricque difficile est a entendre, icy demonstreray, tant par escript comme en figures, aultant que diceulx entendre i'en puis. Le texte Vitruue dict,  
 Que depuis le pauement iusques au Lacunarii, cest a dire, depuis le fond ou plain des galleries iusques en desoubz les voultures soubz A, doibt estre party en trois parties & demye, & les deux seront pour la haulteur du iour: Ainsy dict le texte cōme ie puis comprēdre. Mais pource qu'en petites figures si amplement demonstrer on ne peult les particuliers mesures, ie le mettray au fueillet suyuant en plusgrande perfection.



DE LA DORICQVE.




**L**A chose faicte ainſy que dict eſt de trois parties & demye du bas iuſques au hault, deux parties ſeront pour la haulteur du iour, laquelle haulteur diuiſee en douze, Vne partie ſera Lantipagmente ou Pilastre de largeur. Et cinq pars & demye ſera la largeur du iour. Et ſi ledict iour eſt ſeize piedz de haulteur, en la ſuperieure part ſera amoindry la tierce partie du Pilastre: & ledict Pilastre ſoit auſſy enhault amoindry la quatorzieme partie. le Supercille ou architrabe ſoit de ſemblable haulteur. Auquel eſt de faire la Cimaife Leſbie avec Laſtragale. Laquel le Cimaife ou Cimatie ſera de la fixieſme partie du Supercille, ientens Laſtragale Leſbie. Ainſi que demonſtre eſt en la figure A. Il ſemble bien que le texte veult ſeulement la Cimaife eſtant ſur le Supercille, mais ainſy que puis auoir veu aux Antiques, l'ay voulu faire autour de l'Antipagmente ou Pilastre deſſus le Supercille, en lieu de Frize meſtra on Lhiperthire pareillement auſſy hault: auquel dict le texte, l'on taille la Cimaife Doricque & Laſtragale Leſbie: en la Sima Sculptura, lequel paſſaige eſt fort confus. Mais en ce me laiſſe ſembler que le texte ſoit corrompu: & ce quil dict Sima Sculptura, il veult dire, ſine Sculptura, ceſt, ſans Sculpture ou tailleure, Aſſcauoir la Cimaife Doricque, & l'Aſtragale Leſbie, dequoy la forme & proportion eſt en la figure A, & D. Et pource auſſy que le texte dict, que la Cimaife, de la Coronne ſoit ſemblable de haulteur comme le ſuperieur du Chapiteau, ſil eſt ainſy, la Coronne vient a eſtre tres grande. Laquelle (ſelon le texte) iay donne aul tant de proiection cōe contiēt la haulteur du ſupercille. Combiē que telle coronne ne duyroit a nul œuure.

Neantmoins pour traicter  
des aornemens ay icy  
voulu dire mon ad  
uis, & en figure  
demon-  
ſtrer.



# DE LA DORICQVE.




- a Antipagment.  
ou Pilastre.
- b Supercilie
- c Hiperthire.
- d Corone.

P Ource que en verite en nostre temps lon ne acoustume d'user de portes diminuee en la partie d'enhault ainsy que les Anticques ont faict, lesquelles pour certaines causes ne blasme aulcunement. Toutefois aulcuns intelligentz architecteurs en ont faictz, lesquelles n'ont pleu a la plusgrand part des personnes. Si doncques Larchitecte veult faire vng Thiromatum ou huys simple & de petit enrichissement selon lordre Doricque, il ensuyura l'ordonnance & mesure de la sequente figure. De laquelle le iour ou l'ouverture fera deux largeurs en haulteur. L'antipagmente ou Pilastre sera la sixiesme partie de la largeur du iour. Alentour duquel par dehors lon fera vne eschine avec deux filletz, laquelle sera la cinquiesme partie du Pilastre ou Antipagmente, ainsy que nommer on le veult: nonobstant que en la Porte passee est de six pars. Neantmoins pource que iay veu aux Anticques daulcune porte moyenne de la cinquiesme partie, par ainsy ay icy ensuyuy la maniere. Et cōme dict est, lon ne fera l'eschine de la quatriesme partie du cercle, mais a demy plat ou plusbas, lequel membre appelle Vitruue Cima-tie lesbie. La reste du Pilastre soit party en neuf, & les cinq pars seront donne a la plu large fascie, & les aultres quattres a la maindre fascie. Deslus Lantipagmente (asscauoir le Supercile) sera la Corniche assise, de telle haulteur comme le supercile, & la partira on en trois egales parties: La premiere partie sera pour la Cimaise avec l'astragale: La seconde pour la Couronne avec sa Cimaise: Et la troiziesme pour la Scime. Mais soit encore adioinct la huictiesme partie pour son fillet. En la proiecture ou faillie soit obserue la Reigle donnee au commencement de ceste ordredre.






DE LA DORICQVE.




**C**ombien que Vitruue en l'orde Doricque ne faict mention, que d'une porte ou huys, & encore plaine d'obscurite (selon mon aduis) ainsy que deuant est demonstre. Parquoy me semble estre chose raisonnable, que l'on ne vsera seulement d'une sorte de porte, mais de plusieurs manieres, pour l'enrichissement d'vng ouuraige, & pour contenter diuers esperitz. Pource quant l'on voudra vser de telle semblable porte, on ensuyura ceste maniere, obseruât ceste Reigle, laquelle est, que la largeur de l'ouuerture ou iour, soit mise double en haulteur, & le Pilastre soit de la huitiesme partie de la largeur dudit iour, & la coulone de la quatriesme part. Et combien que ce soit plus que la mesure donnee, toutefois si n'est elle faulce, veu quelle est en partie massonnee dedans le mur. Considerât aussy plusieurs Antiques estre en telz accidentz encore plus tendres. Sur la coulonne met on l'Architrabe, estant de la haulteur du Pilastre ou Supercilie. La Frise contiendra du Diametre de la coulonne la troiesme partie, Et sur chascune desdictes coulomnes l'on posera vne Trigliphe, & de l'une a l'autre seront quatre Triglyphes, & cinq espaces despartis. Les autres particuliers membres, comme Bases, Chapiteaux, Frise, Triglyphs, & Corniche, suyuent la reigle preterite. Et pource que aucuns Fastiges, Frontispices, ou pignons sont plus hault que Vitruue n'escript, leur comme reigle sera, que l'on partira la Corniche de l'ung des boutz a l'autre, ainsy comme de A, a B. en deux egales parties, & du mitan embas pendra a son plomb iusques sur C. & puis metras l'une des pointes du compas sur le point C. & de l'autre pointe commenceant au coing A. & tirant iusques au bout signe par B. Le superieur de la ligne circulaire sera la conuenable haulteur du Fastige ou pignon.



F.ii.



DE LA DORICQVE.



**A** Vlcunefois aduient q'ung rechange-  
ment tumbé aux regardans plus mignon & aggre-  
able, que vne pure simplicité en sa propre nature. Pourtant est plus louable, quant de di-  
uerfes membres (toutesfois d'une semblable nature) est faict vne pièce d'oeuvre, comme lon  
peult apparcevoir en ceste figure suyuant. En laquelle sont Triglyphes & Mutiles en vng mes-  
me ordre. Lesquelles en effect ny aux Antiques ny en escripture ne les ay trouue. Mais Balta-  
zar de Siena vng des plus grandz exerceteur des Antiques en ha parauenture la veu quelque  
chose, ou il a este luymesme l'inuenteur, posant les Triglyphes dessus l'huys, a celle fin de main-  
dre charge, & les Mutiles dessus le solide des pilastres, lesquelles portent toute la pesanteur du  
fastige, & a mon semblant est bien approprié. Et fut moult louez de Clement septiesme, lequel  
certainement estoit le plus iudicieux en toutes sciences. Ceste porte doncques sera l'ouerture,  
ou le iour pareillemēt doublee en haulteur. Mais le pilastre sera de la septiesme part de la haulteur,  
& le Supcile la moitié dudit pilastre. La largeur des Triglyphes & Mutiles est de la moitié  
du supercile, & la haulteur vne double largeur. Faisant ainsi deux mutiles sur chascun pilastre,  
& quatre triglyphes sur l'huys: les entredoux ou espaces seront toutes quarrées. Dessus les mu-  
tiles & triglyphes assira on les Chapiteaux ou Abaci, laquelle haulteur ou espesce sera la  
quatriesme partie maindre que la largeur des triglyphes. Et la Cimaife la troiziesme  
partie de l'abacus. La haulteur de la Couronne avec sa Cimaife soit semblable a la  
largeur du triglyphe. Et la Scime aultant. Pareillement la Saillie de la Cou-  
ronne deuant tiendra aultant comme l'espace d'un abacus a l'autre.


Afin que le font viengne en vng quarré parfait. Mais la Pro-  
iecture du coste dextre & fenestre sera chascune de la moi-  
tié dicelle saillie. La proiecture de la Scime & Ci-  
maife seront chascune égales a leur haulteur,

Le fastige sera au superieur en haulteur  
la cinquiésme partie de la largeur  
des boutz de la Scime en  
vne droicte ligne  
iusques a l'autre  
bout.






DE LA DORICQVE.






**D**E ceste conſequēte figure peult l'expert Architeſt vſer en diuerſes choſes, & la peult tranſmuer ſelon les accidentz que ſuruenir luy peullent: elle pourroit pareillemēt dūyre a aornement de paincture ſur quelque aultel. Comme l'on vſe iournellement au pays d'Italie en diuerſes places. Pour vng Arc triumphal pourroit auſſy icelle ſeruir, entendu quil conuiendroit oſter le baſement du milieu. Semblablemēt pourroit on dicelle enrichir vne porte, ſans les aeſles des coſtez, & de la meſme auſſy aulcuneſſois pour decoration d'une fenestre, ou d'ung nichet, ou tabernacle, ou de telles ſemblables choſes. De laquelle la proportion ſe fera en ceste ſorte, que la largeur du iour ſe partira en cinq parties, & l'une dicelle ſera la groſſeur de la coulomme embas. La faſcie de deſoubz courāt a l'entour ſera d'une demy groſſeur de coulomme: la haulteur du iour ſera de ſept groſſeur dicelle: & ainſy ſon Baſe & Chapiteau enſemble d'une groſſeur de coulomme, ſera la deſſudict de huit meſures en haulteur. Le Piedeſtal ſoit trois groſſeur de coulomme en haulteur, & la largeur pareille au Plinthe de deſoubz la coulomme. Les entrecoulomnes des coſtez ſeront chaſcune en largeur d'une groſſeur dicelle coulomme, & a l'anglet ſera miſe vng quatrieſme partie de coulomme. Les aeſles des coſtez la ou les nichetz viennēt, ſoient chaſcune d'une coulomme & demye, & les nichetz large d'une coulomme & trois en haulteur. L'architrabe aura la demy groſſeur, & le Trigliphe aultant en largeur, mais ſa haulteur ſans le Chapiteau ſera vng quarre parfait y adiouſtant deux tiers partie: & meſtant les Trigliphs au dextre & fenestre coſte droitement ſur la coulomme, & entre deux encore quatre Trigliphes & cinq Methopes, la diſtribution viendra iuſte, moyennāt que les eſpaces ſoient miſes en quarreure. La Courōne & le Frontiſpice, & tous les aultres membres, tant deſſus que deſoubz, ſe feront en la maniere deuandictē. Et pource que les Trigliphes des angletz ne correfpondent aux eſcriptures de Vitruues, neantmoins ie l'ay veu aux anticques ſur les coingz aſſis. Cēcy touteſſois ſe fera au plaifir des Architeſtz d'ainſy les faire ou non. Et combien que n'auoye intention aulcune en ce quatrieſme liure de traicter ny meſtre aulcunes plattes formes, veu que aux aultres liures en mentionneray. Nonobſtant a telles monſtrations quelles ſeront difficiles & peſantes a entendre, meſtray touſiours aupres ſon plat ou Ichnographie pour pluſ grande ſatiſſaction.






DE LA DORICQVE.






**P**renez que les Antiques (aultât que veoir lon peult) apres auoir mis l'Architrabe ou Epistile sur les rondes colonnes, n'ont pose dessus icelluy sinon le Fastige, vsant de telle ordonnance seulement a temples, & non a aultres edifices. Toutefois ne veulx laisser a faire aucune maniere de maison sans arcade. Car si nous voulons faire arcures avecques leurs piliers quarez, & la deuant coulomnes rondes pour plusgrand aornement, & desirant vne gallerie de lumiere plantureuse: les piliers avecques leurs arcures obscurceroient fort icelle. Et si nous voulons mettre l'arcure seullemēt sur la colonne ronde, icelle œuvre se trouuera faulce. Parce que les coings des arcures passeroient le corps ou rond de la colonne. Et pourtant non particulieremēt de ceste ordre, mais par consequente des aultres, ie pretends de faire aucunes maisons & aultres edifices sans arcade. Ceste presente se fera doncques en sorte telle, que la plusgrande entrecolōne soit de quatre grosseurs de coulomme, & les petites d'une coulomme & demye. La haulteur des coulomnes serōt chascune de neuf grosseurs, avec Bases & Chapiteaux: l'Architrabe, Frise, & Corniche, &c. seront faict selon la vielle reigle. La largeur des fenestres soient de deux grosseurs de coulomme. La haulteur dicelles en quareure, & deux tiers, Et leurs Pilastres de la fixiesme partie du iour, ayant leur Corniche dessus accordant aux Chapiteaux des coulomnes. Lhuys sera large de trois coulomnes, & sept de haulteur, ainsi viendra le iour des fenestres & des huys de egale haulteur. Les Triglyphes & Methopes seront compartis en telle sorte comme lon apperçoit, La deuxiesme ordre sera plus petite ou courte la quatriesme partie (selon la doctrine de Vitruue) & par ainsi seront Architrabe, Frise, & Corniche, aussi maindre de la quatriesme partie. Les fenestres avecques leurs Pilastres seront large comme celles de desoubz. Les aornementz des nichetz seront en perpendicle a la colonne, Et ainsi sera le creus desdictz nichetz large aultant que les entre coulomnes. Leurs haulteurs seront chascune de deux quarez & demy. La troiziesme ordre sera la quatriesme partie plus bas ou maindre que la deuxiesme. l'Architrabe, Frise, Corniche, a l'aduenant, mais le tout ensemble comparty en trois, vne sera pour l'Architrabe, l'autre pour la Frise avecques les Mutiles, ou Modiglions. et la tierce pour la Corniche. Quant ad ces particuliers mesures les trouuerez cy apres en lordre Composite. Les fenestres de la derniere ordre seront aussi semblable a celles de desoubz. Mais les nichetz seront la quatriesme partie maindre que les aultres. Leurs haulteurs de deux quarez & demy. La reste trouuerez vous legierement.






DE LA DORICQVE.





**C**ombien que en l'ordre Thuscane en la figure. 13. iaye demonstre vne semblable inuention, neantmoins en ceste presente y a difference, par ce que ceste loge ou gallerie veult estre voulsee en rondeur : & la ou sont les arcz, appartient estre voulsee en croileures, sicomme au plant lon peult appercevoir. Et pource que les costez des coulomnes sont tousiours oppressee & poulles, par icelles ne pourroient contretenir: parquoy sera necessaire de poser sur les coulomnes aucunes clefz de fer, ainsi qu'on voit en la platte forme, & icelles de metal seront tant plus durable. La proportion de ceste face se fera en telle sorte, que la plus grande entre coulomme sera de quatre grosseur de coulomme, & la plus petite de deux grosseurs. La haulteur des coulomnes avec Base & Chapiteau, aura sept grosseurs. Lepistile de trois quart de grosseurs de coulomme, sur lequel sera fait vng demy cercle, lequel au front dicelluy sera dune demy grosseur de coulomme. Sur les arcures pose on la Couronne de la haulteur de Lepistile. Entre les deux arcz soit fait vne maniere de fenestre, de la largeur que les entrecoulomnes embas seront : & la petite moleure ou bord de la largeur de celle de l'arcure. La cauet ou trochille avec l'echine estant sur les fenestres vne partie membres de la corniche sailleront touteffois quelque peu par dessus icelles fenestres, & ce pour enrichissement d'icelles. La largeur de lhuys sera de deux coulomnes & vng quart. Le Pilastre ou Antipagment aura la fixiesme partie du iour : La haulteur du iour suyura le Supercille iusques au desoubz du Chapiteau de la coulomme, Laquelle forme de Chapiteaux suyuront la Corniche de dessus les huys & fenestres. Les fenestres, asscauoir le iour, auront en largeur deux grosseurs de coulomme. mais ceste grosseur en cest endroiect sera prinse enhaut. La haulteur du iour sera vng quarre & demy. Les nichetz seront de la mesme haulteur. L'ordre de dessus, ou deuxiesme estage, ainsi que nommer le voulons, sera plus courte & moindre la quatriesme partie, diuisee en ceste maniere, Que le paraxette nomme de Vitruue Podium, sera d'une grosseur de coulomme, & demye de haulteur: la reste se partist en cinq, l'une d'icelles sera l'architrabe, frise & corniche. Les nichetz avec les aornementz, viendront en perpendicule dessus les fenestres entre les arcques, & de la largeur estre fait cinq egales parties, les deux auront les coulomnes, la reste sera pour les nichetz avec les pilastres. La Corniche dessus lesdictz nichetz tiendra aultant sicomme la largeur dune dicelle coulomme, & la Base d'une demy largeur. Les fenestres entre les nichetz seront en iour la quatriesme partie maindre que celle de lhuys, & de double haulteur. Mais de la reste des aornementz (pource que ceste œuvre est vng petit mesle) lon trouuera au Ionicque, & par le Corinthe plus ample declaration. Les Triglyphes en ceste composition, entre l'une & l'autre, n'auront leurs Methopes parfaictement quarees, adcause que iay voulu poser sur chascune fenestre & nichet trois Triglyphes, ainsi que lon peut appercevoir en la presente figure, Et si y reste aulcune aultre mesure tousiours m'en raporte a la Reigle premier donnee.






DE LA DORICQVE.






**E**T pource que tellefois quelqu'un voudra auoir fait vne loge tout par arcure . et ainsi cōme deuāt auons mentionne,estre chose confuse de meētre arcures sur rondz pilliers: pourtāt y peult on biē meētre pilier ou colōnes quarees, avec Bases & chapiteaux, cōe les aultres. Et toutes fois que ceste figure demonstre vne maison entiere, laquelle semble trop petite pour quelcung ayant place spatieuse: a celle raison lon la pourroit estandre & r'alongir de .5. ou aulcunes fois de .7. arcures. Laquelle diuision se fera que chascune entrecolonne soit de .4. grosseurs. la haulteur des colōnes avecques bases & chapiteaux soit de six pars. & dessus icelles les arcures mises large deuant d'une demy colōne: l'ouerture viendra d'une double proportiō. Dessus les arcures pose lon l'Architrabe, Frise & Corniche: la haulteur de tout sera de .2. grosseur de colōne. Et party iceulx membres en .3. & demye egales portiōs, vne sera l'Architrabe, vne & demye pour la Frise, & vne pour la corniche. Et quāt aux aultres membres lon ensuyura la reigle preterite. Lhuys sera .2. colōnes de large. le pilastre de la sixiesme partie du iour: mais la Corniche de dessus ledict huys & fenestres tiendrōt egalle forme & haulteur du chapiteau. Les fenestres seront large d'une colōne & demye, & leur haulteur ou longueur soit prinse en diagonale. Les colōnes angulaires serōt en largeur semblable aux aultres: mais leurs haulteurs serōt de .8. parties & demye. La deuxiesme ordre de dessus sera la quatriesme partie maindre: les colōnes angulaires avecques Architrabe, Frise & Corniche soiēt diminuee a l'aduenāt: les fenestres de dessus les arcs avecques les pilastres, serōt large cōe celles de desoubz: mais leurs haulteur de .2. quarees. la Frise & Corniche dicelles sera large cōe son Pilastre ou Supercile. Les petites fenestres de dessus, sont faictes pour .2. raisons, la premiere pource que si l'estage est si hault cōe par dehors se demōstre, la chambre & aussy la voulture ou ciel en sera tant plus cler: l'autre raison est, que si lon vouloit pour aysemēt y adiouster quelq̃ chambre pendente, pourroiet icelles fenestrettes seruir de lumiere. la troiziesme ordre ou estage sera maindre q̃ la secōde, la quatriesme partie: & puis apres icelle diuisee en .5. desquelles lune sera pour l'architrabe, frise, & corniche: iceulx membres de party en .3. egales portiōs, lune sera l'architrabe, l'autre la frise, & la tierce la corniche. En la frise serōt cōpartys les Mutes ou modigliōs, ainsi cōe lon aperceoit. Le iours des fenestres serōt cōe des aultres, mais elles serōt la douziemes partie plus hault par ce quelles sont plus eslonguee de la veue. Les pilastres, frises & corniches serōt semblables aux aultres. les frōtispiēs & arcures, se serōt sicōme aux huys de l'ordre doricque est mentionne. Et pour enrichissement aussy pour poser & adioindre vne ordre encore au dessus, lon y peult meētre ces acroteres ou petitz pilastres, & de ceulx qui le myeulx duyrot pourra on prōdre a seruir de trou de fumee. Les espaces d'entre les fenestres qui demeurēt blanche, sont laissees pour y paindre, selon le vouloir de l'Architecte, & du patron du logis. Et pour plus ferme assurece de la fabricque sera bon d'y meētre aulcunes clefs de fer. Pour le moins au trauers de la gallerie ou loge, comme dict est.






DE LA DORICQVE.

Pilastres






EN la noble cite de Venise, pource quilz sont fort estroictement logie, a cause du grand nombre de peuple, leur conuiēt choisir & chercher leurs iours ou ilz peulnt: a l'occaliō dequoy leur fabricque est fort different a ceulx des Itales. Neantmoins comme veoir le pouez lon leur peult donner iour assez, en obseruāt l'anticque, dequoy les diuisions serōt telles: Que lon partira la largeur d'ung arcure, en .2. pars & demye: vne part sera pour les pilastres (comprins la colomne) desquelz la grosseur sera de la moictie, & les colōnes rondes aultāt au cas pareille. La haulteur des arcures seront chascune dung quarre, & deux tiers: on les peult semblablement faire de .2. largeurs en haulteur, la reste a l'aduenāt. Les chapiteaux ou impostes soubz les arcures, seront dune demye grosseur de colōne, en soy seruāt du mesme cōe cy deuant est demonstre au Theatre de Marcello. La porte soubz la gallerie sera en largeur de trois grosseurs de colom. & la haulteur vng quarre avec deux tiers: Le pilastre ou antipagmēte sera de la huitiesme partie du iour d'icelle porte: la couronne sacordera aux chapiteaux. Mais adioindant dessus la Scime, lon fera le fastige ainsi que dict est, & au dessus dicelluy lon peult donner plus ou moins de iour selon l'oportunitē de la fabricque. Et si icelle edifice est en quelque lieu ou place ouuert & frequente, lon y peult au costez adiouster bouticles, ainsi cōe on voit en la presente, correspondant au residu de la fabricq. Dessus les colonnes est mise le pistile en haulteur dune demy grosseur de colom. la largeur des triglyphes aultāt pareillemēt: la haulteur diceulx se cōpartira en sorte que les espaces dentre deux se trouuent quarrees, & la reste sera ladicte haulteur desdictz triglyphs. Sur iceulx pose on la corniche, dune fixiesme part plushaute que le pistile. des particuliers distributiōs se fera en obseruāt la reigle preterite. L'ordre de dessus sera la quatriesme partie moindre: en faisant soubz chascun base des pilliers vng plinthe de telle haulteur cōe la saillie de la corniche pourra supporter, & ainsi sera la reste party en cinq: vne dicelle sera l'architrabe, frise & corniche. lesquelz (cōe dict est) serōt party en trois. Les colōnes soubstenāt l'architrabe serōt de neufz mesures en haulteur. Les maindres colōnes soubstenāt les arcures serōt plus delicates q̄ les aultres la troiziesme partie. L'espace du millieu desoubz les arcz seront deux fois plus large que celles des costez. Par ainsi doncques les corniches qui soubstiennēt les arcures posees sur les colōnes, & apres auoir faict le demy cercle iusques au desoubz de l'architrabe, pareillement les yeulx des costez, se trouuera tresclere: & ou il apartiendra aulcune chambre, lon pourra ferrer le iour du millieu, & ceulx des coustez seruiront de fenestres, ce neantmoins l'ordonnance de dehors demeurra, & aussy pardedens ne sera corrompu, car le lieu clos sera pour cheminees, lesquelles on dict debuoir estre tousiours faictes entre deux fenestres proportionne a la face de l'homme, sicōme estant les fenestres les yeulx pour la lumiere, & la cheminee representant le nez, lequel recoipt tousiours la fumiere.






DE LA DORICQVE.






**P** Our diuifer la presente face, comme il dict (car aultre prologue n'en faiët il) partira on sa latitude en quatorze, & vne de ces diuisions fera pour vne coulomme, l'intercoulomme du milieu fera de six pars, les aultres seront chascune de trois pars: les fenestres tiendront vne coulomme & demye, leurs haulteurs seront de deux quarrez & demy: les pilastres d'une fixiesme partie du iour, les fenestres du premier ordre soient de semblable largeur, celles de desoubz seront d'ung quarre parfait, & les aultres de dessus icelles d'ung quarre & demy. La largeur de la porte sera de cinq grosseurs de coulomme, a celle fin que les coulommnes ayent leurs fondement solide & ferme, La haulteur dicelle porte est d'ung quarre & deux tiers. Mais les penätz avec la reste voit on assez en la figure. Depuis embasfoubz l'arcure de la porte iusques dessus la fascie seront deux grosseurs de coulomme. Et obstant que toutes aultres ordres sur ordres veullent & requierent estre racourcie de la quatriesme partie, en cest endroiët (par mon aduis) pource que la compartition des coulommnes commencent dessus ceste ceuvre rustique & massif, & ausly entendu que le massif ne contient trop grande place, & que pareillement est suffisamment fort, appartient destre de la mesme haulteur. Dessus la premiere ordre doncques fera on vng Podie ou apuyemēt, d'une grosseur & demye de coulomme en haulteur, sur lequel lon posera les coulommnes en tel ordre comme dessus est dict. La haulteur dicelles sans le Podie se partira en cinq, dequoy les quatres seront pour les coulommnes, & l'autre partie pour leurs aornemēt: dequoy les Triglyphes seront compartis ainly que lon voit, obseruāt la reigle deuandiete. L'espace du mytan soit ainly diuisee, que les petites colomnes soient d'une demye grosseur des grandes, & l'entrecoulomme du milieu soit double en largeur de celle des costez. Lesquelles seront egale aux yeulx des fenestres, dessus icelles pour plus grande lumiere fera on des yeulx ou petit rondz, & dessus les petites espaces pareillemēt, telz petit fenestretz ainly que lon voit en la presente, ou pour acompaignemēt y peult on faire ausly des yeulx. Et neantmoins sil reste encore aulcunes particuliers diuisions, lon les cherchera tousiours plusauant. La tierce ordre avec tous ces membres sera pareillement de moindre statue la quatriesme partie, mais les fenestres seront large comme celles de desoubz, & semblablement ausly leurs haulteurs. Toutes les aultres choses se peulrent facilement trouuer au compas. L'eleuation du milieu sans le frontispice sera en haulteur de la moictie du troiziesme ordre. De la reste peult l'Architect croistre ou diminuer comme il luy plaira.






DE LA DORICQVE.






**I** Ay cy derrier demonstre en deux manieres comme lon pourra faire les faces ou representations de maisons a la mode de Venise, mais pource que en telles faces ilz se delectent d'aulcunes faillies ou galleries sortant hors des fenestres, & cecy font ilz pour pouoir plus cōmodement iouyr de la frescheur des eaues des canaulx. Parquoy la plusgrand part des maisons ont leurs faces sur iceulx. Pareillement pour les triumphes & festes nauigables qui souuentefois en icelle ville se font, y ioindant & rendant grandes faillies a la veue. Et sont toutefois choses vitieuses, lesquelles n'ont aultres supportz que des Modiglions. Considerāt aussy que tel œuure, n'ayāt son assiete ferme & stable, nuyt & corrompt le mur: a quoy les Anticqs ont bien pourueu, quelz n'ont iamais faict telles faillies, sinon celles des corniches. Pourtant ie diz, Si lon veult en telz charpen taiges faire telles œuures, obseruant raison, sera besoing que le premier mur soit de telle grosseur quil faille aultant cōme le plat ou allee dicelle faillie ou gallerie appartient, sicomme lon aperceoit au plant ou platte forme. Et pource que le mur du mytan faille plus que celluy des costez, si ainsy est qu'on ne le vueille faire si espes, lon peut faire par dedens vng fort arcq, qui soubstiendra celluy du milieu, Combien quil n'est de grande charge & petite pesanteur. Ce plant sentend sur lestige du Rusticque. Cest ordre doncques faict ainly quil est demōstre, la compartition de ceste face sur lautre, sera que la partie du milieu se fera de trois portions, & les costez de trois & demye, i'entens dedens mur, comme le plant le demonstre. La haulteur de ce deuxiesme ordre, sera comme celle de desoubz, pour la raison dicte en la carte passee. Et premier se fera lapuyement dict Podie, d'une raisonnable haulteur pour appuyer, ce qui reste se partyra en cinq, vne dicelle sera l'epistile ou architrabe, frize, & corniche, iceulx desparty comme souuentefois est mentionne. La largeur de la partie du milieu soit en ceste maniere, que l'ouuerture avec l'arcure, soit doublee a celles des costez, & la haulteur de deux quarrez. Et ainsy les architrabes mises sur les colonnes pour soubstenemēt des arcures, toutes les fenestres suyront icelle renga, Aussy pour plusgrande commodite du iour, & pour aornementz seront faict des yeulx & des petites fenestres quarrees. Et si les enrichissementz de plusieurs choses (pour la despence) ne se veulent faire de marbre ou aultre pierre, par paincture les peult on accomplir. La troiziesme ordre sera aussy la quatriesme partie maindre que la seconde, & ainsy aussy chascune partie a l'aduenant ensuyuant la preterite reigle: & combiē que sur le Doricque lon pose le Ionicque, ce que les anticques ont faict en moult d'edifices, sa proportion & mesure se trouuera cy apres en l'ordre Ionicque.





DE LA DORICQVE.






**C**ombien que l'Architecte ayt veu plusieurs manieres d'inuentions en ces choses passees de ceste œuvre Doricque, & luy duyra a se seruir de plusieurs ordonnances de cheminees: neantmoins i'en mettray deux de ceste ordre Doricque, vne moyenne entierement fermee en dedens mur pour quelque petite chambre ou maison: l'autre pour vne place spacieuse sortant du tout hors mur avec les Modiglions. Pource que aulcunes fois vne petite chambre seroit occupee d'une cheminee, par ainsy est besoing de la faire totallemēt en l'espeſſeur du mur, & la haulteur de l'ouuerture ſelō l'opportunitē du lieu, & se partira ladicte haulteur en quatre pars & demye, lune ſera la largeur du pilastre, mais l'Architrabe contiendra la moiētie. Le fillet courant alentour ſera de la ſeptiesme partie. Pareillement ſont auſſy tous les autres fillets de meſme largeur. Les Triglyphes & Modiglions ſeront vne demy largeur d'Architrabe, mais leurs haulteurs prendra on en ceste maniere, Que ainsy que les Mutiles eſtant ſur les pilastres, & l'entredoux, ou methopes diceulx eſtre comparty quilz ayent leurs largeurs de celle de l'Architrabe, neātmoins les eſpaces ou Methopes entre les Modiglions n'aurōt point leur quarre parfait. Les chapiteaux des Mutiles & Triglyphes ſeront en haulteur dune demye largeur deſdictes Triglyphes. La couronne, Scime, & Cimaife ſoient en haulteur comme l'Architrabe: & partisen deux, lune des pars ſera pour la couronne, de l'autre ſera on trois diuiſions, vne pour la Cimaife avec ſon fillet. les autres deux pour la Scime, avec ſon fillet. La proieçture de la couronne ſera de telle faillie, que les eſpaces dentre les Chapiteaux des Triglyphes ſoubs le fond de la couronne viengnent en quarreure. A celle fin que ſi on y vouloit faire quelque enrichiſſement comme de roſes, elles puiſſent auoir lieu de proportion, La proieçture de la Scime, avec ſon fillet ou Cimatie, ſoit en quarreure. Et ce qui vient deſſus eſt au vouloir & plaſir de l'Architecte. Mais ſi la cheminee eſt de petite corporance, pour quelque petite eſtage, lon ſera le pilastre de la ſeptiesme part, de la haulteur de l'ouuerture, & le ſurplus auſſy que dict eſt





DE LA DORICQVE.






**L**A fuyuante cheminee hors du mur fera on en telle sorte, que apres auoir prins la haulteur & largeur selon le lieu & place conueniēt, sera telle haulteur commenceāt au pavez iusques au desoubz de l'Architrabe partye en quatre, l'une baillera on pour l'Architrabe, Frize & Corniche, iceulx membres party cōme deuant est dict. Et combiē quil semblent estre de plus grande haulteur, ce vient, que la veue procede de desoubz. La l'argeur des Modiglions seront de la septiesme partie de leurs haulteurs. Les Chapiteaux d'une demy largeur diceulx, & ce partissent ficomme du Chapiteau Doricque est cy deuant mentionne. Aulcuns ya qui diminuent embas la largeur de cesdictz Modiglions d'une quatriesme part, a cause que les piedz de desoubz faillent de rechief vne quarte partie, & ainsy les Plinthes de desoubz iceulx piedz vienēt de telle largeur comme la superieure partie : mais si lon veult faire iceulx Modiglions d'une egale largeur, ce priferoie ie pour quelque grande œuvre, considerāt que la partie inferieure se retire vers le mur, & par estre quelque peu eslongue de la veue se restroissit d'elle mesme. Et pource que la partie tirant la fumee, luyt la pyramide, qui ne seroit en vne œuvre de grande haulteur chose agreable, a celle cause pourra on poser ceste ordre sur la premiere Corniche, tant & si hault ou bas comme lon vouldra, ou selon la qualite du lieu. Ceste maniere de cheminee peult on tenir en grande forme, neātmoins son la veult faire de petite corpulance, lon diuifera sa haulteur depuis le bas, iusques a l'Architrabe en cinq parties, dequoy l'une sera pour la Corniche, & la largeur des Modiglions d'une neufiesme part de leur haulteur, les Chapiteaulx chascun d'une moietie de leurs largeurs. Par ainsy en ceste forme moyenne se trouuera plus grarieuse & plaisante. Et ce dyie par experience, par ce que iay tenu en aulcunes cheminees ceste grosse mesure en petite forme, lesquelles se trouuent encore trop grandes

¶ FIN DE LORDRE DORICQVE,



DE LA DORICQVE.






# De l'ordre Ionicque avec ses aornementz.

## CHAP. VII.




E ceste oeuvre Ionicque traicte Vitruue au quatriefme liure, chap. premier. Et ainſy comme dict eſt, les Antiques prenoient icelle de forme feminine, & la dedierent a Diane, Apollo, & a Bacchus. &c. Mais entre nous Chriſtiens ayās a faire quelque temple d'icelle ordre, nous les dedierons a quelq; ſainctz ou ſainctes, quelz en leur viuant ont eſte de corpulence, entre le robuſte & de licat. Pareillement en cōmuns ouuraiges, ſi ainſy eſt que ce ſoit pour aucun homme docte, coy, non robuſte, ny auſſy trop delicat, a iceulx duyra ceste ordre ou maniere. Or venons aux meſures. La Coulonne Ionicque avec Baſe & chapiteau pour vne reigle cōmune ſe fera de .viii. meſures. Combien que Vitruue la eſcript de huit & demye. Selon l'oportunité la pourra on faire auſſy de neuf ou plus, ſelon les lieux & qualitez des edifices. Mais celle comme iay dict, ſe fera de huit parties, l'une deſquelles ſera la groſſeur dembas: & par ainſy ſera la Baſe d'icelle d'une demy groſſeur. Laquelle Baſe eſcript Vitruue fort diligētement au .iii. chap. du .iii. liure en telle maniere, que la prediſte Baſe ſoit d'une demy groſſeur de coulomme. Le Plinthe d'icelle ſoit de la troiſieſme partie. De la reſte ſen fera ſept parties. les trois d'icelles ſeront pour le Thore: & les quatre pour les deux Trochilles, avec leurs Aſtragales & filletz: & que chaſcun trochille aye ſon aſtragale. Les aſtragales ſeront de l'huitieſme partie du trochille, & les filletz de la moiētie diceulx. Et combien que chaſcune Scotie ou trochille avec leurs appartenances ſoient d'une egale haulteur: touteſſois ſe monſtrera celle d'embas pluſ haulte, car ſa proieſture viendra gliffer iuſques au bout du plinthe: La proieſture duquel plinthe aura a chaſcun coſte l'huytieſme & ſizieſme partie de la groſſeur de la coulomme. Par ainſy contiendra lediſt plinthe a tous couſtez la quatriefme & huitieſme partie plus que la groſſeur de ladiſte coulomme. Et pource que le fillet (de Vitruue appelle ſupercile, de noſtre aucteur oultre paſſez) eſt occupe de ſi puiſſant thore: me ſemble eſtre choſe raifonnable, que icelluy fillet ſoit encore vne fois auſſy grand que les aultres, touſiours obſeruant en tous les membres telle diſcretion, comme dict eſt au Doricque.






## DE LA IONICQUE.

**P**ource que ceste Base Ionicque, descript de Vitruue, ne contēte la plus grāde partie. Pour cause que le Thore est fort materiel, & les Astragales fort petitz desoubz tel gros membre, selon le iugement de plusieurs scauantz & doctes, lesquelz ont pour telles affaires souuent esfois disputez. Parquoy avec reuerence & grand regard a tel aucteur, en formeray icy vng a mon opinion & semblant. Le Plinthe doncques estre ainſy faiēt comme dict est, la reste se diuise en trois parties, l'une donnera on au Thore, le surplus soubz le Thore sera party en six, vne d'icelle sera pour vng Astragale, & son filler de la moictie. Le Supercille ou filler estant soubz le Thore, soit ausſy large comme l'Astragale: la reste est pour le Trochille. L'autre troiziesme partie restante, se partira ausſy en six, l'une pour l'astragale: vne moictie pour son filler, & aultant pour celluy de desoubz. La reste est pour le Trochille sortant desoubz, ainſy que dict est.



**L**E Chapiteau Ionicque se fera en ceste maniere, que sa haulteur soit d'une troiziesme partie de grosseur de la coulomme, & le front de l'Abacus large vne grosseur de coulomme y adioutant la dixhuiētesme partie, qui contiendra en tout dixneuf mesures: mais retire vne d'icelle mesure & demye, a chascun des costez, la se pendra la ligne appelee Catheta, laquelle contiendra neuf mesures & demye, ce viendra a la myte de la largeur du Chapiteau, vne partie & demye seront pour l'abacus, desquelz coings peult on choisir & faire selon celuy du dextre ou senestre, car tous deux sont Antiques, les huit parties pendans soubz l'abacus, seront pour les Volutes. Et pource que seroit chose fort penable de mesurer ou demonſtrer en ceste petite figure, principalement en loeil les nombres, a celle raison en ceste carte suyuant meſtray en grand plus ample demonſtration, & la aupres ausſy la maniere des distributions des gueules ou canaulx de la coulomme, & avec ce la figure des costez des volutes & chapiteaulx. Et si la coulomme est de quinze piedz embas, sera enhault diminuee la sixiesme partie, en sorte & maniere cōme dict est a la Thuſcane: & si elle est de .xv. piedz en sus, lisez Vitruue au troiziesme liure Chap. deuxiesme.







Quant doncques le corps de ce Chapiteau Ionicque est parfait, si reste il encore descrire icy des Volutes, lesquelles seront faictes sur la ligne nomme Catheta: & apres auoir laisse de desoubz l'Abacus tirant embas quatre mesures, la cinquiesme sera pour l'oeil, & ainsi demeurera depuis loeil embas encor trois, qui feront les huit parties, ainsi que dict est. Ledit oeil sera diuise en six, & en dedens icelluy marquez les nombres come l'on peult apparcevoir, & ainsi posera on la pied du compas sur le point vng, & l'autre pied a ladiete ligne Catheta desoubz l'Abacus circuyant embas iusques a ladiete ligne sur lhuictiesme partie, & laissant le pied du compas sur icelle ligne, en metant l'autre pied sur le point deux, & tournez de rechief en montant iusque a la Catheta, & tenez la aussi le pied dudit compas, & rasseez l'autre sur le point trois, tournez de rechief embas iusques a ladiete Catheta. Et tenant aussi la vostre pied, & ramenant l'autre iusques au point quatre, & puis de la circuyant en montant iusques a ladiete Catheta, & la acrestant ledict vostre pied de compas, en posant l'autre sur le point cinq, & ainsi circulant a l'entour faict on a six. & a la fin paruiet a fermer & clore vostre oeil, auquel si l'on veult, peult on faire vne rose. Quant aux autres particuliers membres peult on facillemēt trouver au compas. Les gueules ou ftries des coulornes, quelles l'on appelle canaulz, seront en nombre de vingt & quatre, & l'une d'icelle diuise on en cinq, desquelles les quatre demeureront pour lesdictes gueules ou canalz: la cinquiesme sera le plat ou fillet, appelle strix de Vitruue, & depuis l'ung des cantons desdictz platz iusques a l'autre lon tierera vne ligne, & le mytan sera le centre de la caeure. Mais si aucunes fois on vouloit faire vne coulornie delicate, sembler estre materielle, y conuiet faire vingthuit ftries ou gueules. L'abacus de ce Chapiteau est sur les costez aussi large comme deuant, lequel coste est proportionne apres celui deuant. Lecteur discret iay tire ces volutes icy selon ma simplicité, a cause que le texte de Vitruue est fort obscur & pesant a entendre, & que plus est, promettant le mesme auteur, la figure de ceste volute au dernier liure, ensemble autres belles choses, lequel liure n'est a trouuer.



# DE LA IONICQVE.




- a Cathete.
- b Oeil
- c Canalx, Gueules  
ou Stryes.
- d Strix ou Fillet.






**C**Y derriere ay demonstre selon le texte de Vitruue du Chapiteau Ionicque, aultant qu'est en ma possibilite de l'entendre. Maintenant demonstreray cōme d'aulcuns Romains Antiques seront faictz. Le Chapiteau. M. est encor au Theatre Marcelli, duquel meſtray aulcunes melures generales. Le frond de l'abacus est semblable a la grosseur de la colōne embas. les volutes faillēt dehors la sixiesme part de l'abacus, & pendēt iusques a la moictie. La haulteur du chapiteau est la troiziesme part de la coulomme embas. Mais pource que telz chapiteaux sembloient estre d'aulcuns Architectz sobremēt enrichiz, y ont adioustē vne frize, sicōme l'on peult apparcevoir au chapiteau P. faisant la haulteur du chapiteau de deux tiers de grosseurs de la colonne embas. Lequel chapiteau lon peult veoir pour le iourdhuy en Rome, avecq's plusieurs aultres semblables.




**E**T pource que aulcunes fois pourroit a l'architect escheoir, de faire quelque cloistures carrees avecques chapiteaux Ionicqs, en quoy sont este aulcū architectz desfaillās en la positiō des volutes, & pour resister a ceste erruer, luy sera besoing de faire les chapiteaux angulaires, sicōme en ceste platte forme lon peult apparcevoir, & de tel chapiteau fut vng trouue en Rome, lequel a plusieurs fit ymaginer & ne scauoient comprendre a quelle intention icelluy pouoit estre faict, & pour resolution fut appelle le chapiteau de confusion, touteſſois a la parfin apres plusieurs disputations fut conclud quil auoit seruy au coing d'une gallerie, seriāt l'ordre des colōnes signee, p A. & si lon ha a poser colōnes plattes au coings d'ung mur, affin que le front des volutes viengnent au deux costez egales, les peult on faire ainſy que cy desoubz est demonſtre en la platte forme B.






# DE LA IONICQVE.

**L** Epistile ou Architrabe est ainsy a former, Que si la coulomme est de douze piedz iusques a quinze de haulteur, L'architrabe sera d'une demy grosseur de colomne: si elle est de quinze a vingt piedz de haulteur, icelle coulomme se partira en treize, & l'une sera la haulteur de l'Architrabe: Et de vingt cinq a trente piedz lon fera ledict Architrabe d'une douzieme partie dicelle haulteur: Et de vingt a xxv. piedz, sera icelle compartie en douze & demye, & l'une baillera on a l'Architrabe. Et tant plus sera la coulomme de longueur, a l'aduenant se ralongira ledict Architrabe, car de tant plus que vne chose s'esloigne de la veue, & tant moins se monstre en grandeur. L'architrabe doncques estre faicte de sa haulteur raisonnable & party en sept, l'une sera la Cimaise, & sa proiection de mesmes: & ce quil reste partira on en douze egales parties, les trois donnera on a la premiere fascie: quatre a la seconde, & les cinq pour la troiziesme. La grosseur dudict Architrabe sera en la partie de desoubz, comme la coulomme est en la superiorite de son tronc, & la grosseur du dessusdict sera en la partie d'enhaut, comme le tronc de sa coulomme embas. Le Zophore ou Frise aura sa mesure selon la qualite de l'œuvre: car se on y veult mettre quelque sculpture ou taille se fera icelle la quatriesme partie plushaute que l'Architrabe. Mais si on la faict sans entretailleures, elle sera la quatriesme partie maindre. Sur la Frise posera on la Cimaise & soit de la septiesme part de ladicte Frise: & sa proiection de la mesme. Dessus la Cimaise pose on le denticule ou dentelle, de telle haulteur comme la fascie du milieu, & sa saillie aultant que sa haulteur. La largeur diceulx denticules, soient double en haulteur, les entredoux ou creuz des dessusdictz serot moindre la troiziesme partie: la Cimaise contiēt du d'enticule la sixiesme partie. La Couronne avec sa Cimaise comprendra la haulteur de la fascie du mytāt: & la proiection dicelle couronne avec le denticule tiendront ensemble, aultant comme la haulteur de la Frise avec sa Cimatie. La Scima sera lhuictiesme partie plushaute que la couronne: son fillet sera de la sixiesme partie, & sa proiection comme la haulteur. Et ainsy toutes corniches excepte la couronne (comme dict nostre aucteur) se monstrent tousiours bien, ayantz leurs proiections comme leurs haulteurs.








**E**T pource que les ouuraiges de Rome se trouuent moult diuer ses des escriptures de Vitruue, a ceste cause ie formeray vne aultre coulōne & dessus icelle son Architrabe, Frize & Corniche, contenant ensemble vne quatriesme partie de la longuer dicel le colōne. Laquelle quatriesme partie diuisee en dix, les trois serōt pour l'Architrabe desparty en la maniere deuādictē, trois aultres partz serōt pour la frize curue, & les quattres pour la corniche, laquelle diuisee en six, lune fera pour le denticule, vng aultre pour la cimaise soubstenant les mutiles ou modigliōs, & deux dōnera on ausdictz mutiles, vne pour la courōne, & la der niere a la Scime. La proiecture du tout sera pour le moins cōe sa haulteur. Et telle semblable corniche fut trouuee en Rome a Santa Sabina, en vng ordre Ionicque.


**E**T si aulcunes fois estoit necessai re esleuer la coulomme sans con traincte ou necessite d'aucunes choses a lentour, Par ainsy sera la propor tion de ce piedestal, que son front ou deuant soit pareil au plinthe du bas de la coulomme. La haulteur du plat sera dung quarre & demy, Lequel di uise en six, lune dicelles adiousterā on pour la corniche de dessus, & vne aultre au bas de desoubz, que contiendra le tout ensemble huit mesures. Et par ainsy viendra ledit piedestal propor tionne a la coulomme ausy de huit mesures, le tout sentend tousiours en general, laissant souuēt plusieurs choses au vouloir de Larchitect.





## DE LA IONICQVE.


**P**AR la grande difference que ie trouue es choses de Rome , a celles que Vitruue descript, iay voulu demonstrier aucunes des plus euidentes & congneues,lequelles encore pour le present vne partie se voiton en œuure . La Corniche , Frize , & Architrabe, signee par T, est au Theatre de Marcello, en l'ordre Ionicque sur l'œuure Doricque . Le Pilastre avec son Base dessus, marque per T, est au mesme ordre soubz la coulomme Ionicque. La Corniche pour imposte d'ung arcq, signe par T, est aussy en celluy ordre, & soubstient l'arcure. La corniche avecques les Mutils marquee per A, fut trouuee a saint Adrian & saint Laurens a Rome. L'architrabe signee de F, fut trouuee Nel Friulle, Lequel Architrabe a cause quil ha ses trois fascies sans Astragales le iuge estre ionicque. Quant aux mesures de ces presentes n'en faictz mention. Car par grande diligēce l'ay transporte du grand au petit, lesquelles mesures sont facile a trouuer par le compas.





**C**ombiē que le Thiromate Ionicque (qui est lhuys) descript de Vitru. a mon semblāt ne vient a estre proportiōne, correspondāt a ledifice cōe biē appropriēdroit, pource ne laisseray ie a en traicter aultāt que ien puis entēdre. A ceste raison ie diz que le texte de Vitru. sen raporte, quāt a la haulteur du iour, au thiromatū ou lhuys doricque. Cest (cōe dict est) que depuis le pauēmēt iusques au lacunarii, se fera .iii. diuisiōs & demye, & ou la croix est sentend lacunarii, les .ii. parties dicelles sera pour la haulteur du iour, dequoy la courōne demeure fort puisante, cōe celle aussy du doricq; Mais il ensuyt encor vng aultre erreur, cest que de faire la porte ou huys de cinq parties en haulteur, & mesāt .iii. dicelles embas, ainśy que le texte de Vitru. faict mentiō, en restroiffissant au superieur cōe au doricque. Par ce ie trouue la latitude dicelle venāt pluś large que len tre coulōne du mitant, faisant vng temple de .4. coulōnes, de telles mesures que Vitru. au .3. liure preecript, cōe iay cy desoubz mis par figure. A celle fin quon voie la correspōdance de cest huys a leur temple, leq̃l a mon semblāt ne cōcorde, & ce pour cause, Car si la porte ou huys de doricq; duquel lordre des coulōnes sont de plus basses statures que celles de Ionicq; est de deux quarre & quelq̃ petit surplus, ie diz que lhuys de Ionicq; duquel les coulōnes sont plus haultes, appropriēt aussy le iour dicelluy estre a laduenāt de plusgrāde haulteur q̃ de celluy du doricq; Neātmoins il en a moins selon Vitruue, lequel dict, cinq mesures en haulteur & trois de largeur, toutesfois le tout soit dict en reuerēce dūg si grād aucteur, Nonobstāt en prenāt les pries de Vitru. qui mieulx viendrōt a propos, formeray vne aultre figure cy decoste sans restroiffimēt de la part denhault, Ceulx qui a leur desir voudront dimi


nuer, tiengne lordre de lhuys doricq;.






## DE LA IONICQVE.

**I**E diz que le iour de cest huys pour le moins sera de deux quarez en haulteur, L'antipagmente ou pilastre tiendra d'icelle haulteur la douzieme partie, faict en la maniere comme est dict de Lepistile Ionique, & luy sera adioinct les Astragales ainſy qu'en la figure F, est demonſtre. La Frize deſſus le Supercile ſi on la veult entretailler ſera vne quatriefine partie pluſ haulte que ledict Supercile, & ſi on la laiſſe vnie, ſera vng quart maindre. La couronne avecques les autres membres ſera de haulteur ſemblable au ſupercile, ſicome en la figure F. Les Ancones ou Prothirides, qu'on dict cartelles ſeront au ſuperieur de telle largeur que le Pilastre, mais l'inferieure partie venant admortir au raſibu de la haulteur du iour, ſeront reſtroiſſie la quatriefine partie, deſquelles les fueilles pendent, comme lon voit en la figure. Ceste partie du cercle eſtant en lieu du faſtige ſa haulteur ſe fera, que poſant l'une des piedz du compas ſur le coing de la Scime en la ſuperieure partie, & l'autre pied ſur l'autre coing, & de l'ung deſdictz piedz tumbant embas inſques ſur le poinct de la croix, & puis de l'autre pied tirer la ligne circulaire, qui ſera la haulteur d'icelle partie. Laquelle maniere de Faſtige quant a le ainſy faire ou non, touſiours repoſera au bon ſemblant & vouloir des Architectz. Ceste preſente pourroit auſſy ſeruir a fenestres ou autres aornementz.






**D**E ceste porte sera mis le iour en double proportion, cest de deux quarres: le plat des Pilastres aura lhuiciefme partie de la largeur du iour, & la colomne deux fois ausy grosse, laq̃lle sera restroffie en la superieure partie la fixiefme part: sa haulteur avec Base & chapiteau sera de neuf grosseurs, obserue les mesures deuandies. Et combien q̃ icelles colomnes tiennent q̃lq̃ peu plus q̃ la predicte reigle, n'est pourtāt chose a mespriser, par ce q̃ les deux tiers seulle ment sortēt du mur, & ausy ne supportāt nulz grand poiz sinon le Frontispice: Pareillemēt ladicte colōne outrepas fant les .9. mesures par aucūis accidentz ne seroit nullemēt a blâmer, car seullemēt est elle mise pour decoration & aornement, & veant ausy quelle est liee en dedens le mur. La haulteur de Lepistile soit cōme celle du Supercile: Si la frize s'entretaille, on la fera de plusgrāde haulteur ainsi que dict est: demeure elle sans taille, tāt plus sera Base. La corniche sera haulte cōme Lepistile ou Architrabe, & de l'autre reste des mēbres lon en fera ainsi q̃ dict est au commencement de ceste ordre. Le frōtispice sera au uoloir des architectz de le faire en haulteur pl<sup>us</sup> ou moins par aucunes des reigles cy deuant donnees. Et de ceste inuention se peult seruir l'Architect en plusieurs & diuerses choses. Pareillement lon peult faire haulter & estlargir le iour, selon l'opportunitē & necessite, mais sil n'est ad ce contrainct, ie preroie tenir ceste maniere.






## DE LA IONICQVE.

**C**ombien que iaye ioinct ceste presente avec lordre Thuscane, & non seulement en plusieurs places applicquee a la Thuscane, mais pareillement meslee avec le Doricque, Parquoy iay pense aussy de le mettre au Ionicque. Neantmoins icelle n'est a faire en toutes edifices qui sont formee de lordre Ionicque sinon par bon propos, & raisonnable. Comme pourroit estre hors sur les champs ou villages, ceste ordre ne seroit a mespriser. Semblablement en vne ville pour vng edifice dung homme lestez, ou marchant se pourra comporter. Mais en quelle place qu'on la voudra faire, & en maniere dune saillie ou gallerie, poser cest ordre dessus, sicomme lon appareoit cy desoubz en ceste platte forme. La proportion de ceste oeuvre sera, que la haulteur du iour iusques au desoubz de larcure soit de deux quarez. Et le pilastre lhuictiesme partie de la largeur du iour. la Coulonne contient dicelle largeur la quatriesme partie, mais sa haulteur avec Base & Chapiteau sera de neuf grosseurs. Larcure du demy cercle, sera diuise en treize parties & vng quare, pource que la pierre du mitant contiendra vng quare plus que les aultres. Larchitrabe, Frize & Corniche, seront ensemble la cinquiesme partie de la Colonne, lesquelz trois membres lon diuifera en vnze egales parties, Les quattres seront pour Larchitrabe. Trois pour la Frize, & quatre pour la Corniche. La haulteur du Podie sera dune demy largeur du iour, la Corniche & la Base peult on prendre en la forme qu'est demonstree au piedestal ou stilobate cy deuant proportionne. Mais laultre Base, Chapiteau, Architrabe, & Corniche, fera on sicomme au commencement est mentionne. Quant a la noix serrant larcure, & des aultres penantz qui enuironnent le centre, & de ceulx qui sceindent les Coulomnes, se fera comme il appert en la figure precedente.











## DE LA IONICQVE.

**N** Onobstant que la haulteur de ces arcures ne sont de double proportion, sicomme la plupart des aultres que iay cy deuant demonstre. Toutefois n'est telle semblable œuvre nullement corrompue ny faulce, mais est ainsi faicte d'entendement & discretion, pource que aulcunes fois pourroit escheoir, que en la compartitiō d'une face, par l'obediēce de quelque haulteur necessaire, & pour aussi faire les arcqz nomper, quelz tousiours veullent ainsi estre faict, pour asseoir au mitant la principale porte, laquelle en tel cas ne pourroit venir a telle haulteur. Mais quāt nous ne sommes cōtrainctz d'aucune necessite, tousiours priferoie ie plus la double haulteur que nulles aultres proportiōs. La largeur doncques d'entre lung pilastre a l'autre, serōt trois mesures, & la haulteur de cinq: mais apres la largeur diuisee en cinq, sera le pilier entier (qui cōprend deux pilastres) de deux parties: & la grosseur de la colōne sera d'une partie, & par ainsi serōt les pilastres chascun d'une demy grosseur de colōne: pareillemēt aultant en aura l'arcure, & semblablement le mesme aura l'imposte ou chapiteau du pillier en haulteur soubstenant l'arcure, forme en sorte telle cōme au Theatre de Marcello, signe par T, est demonstre. Les colōnes seront avec Bases & Chapiteaux de neuf mesures, & faictes selon la reigle donnee au cōmencemēt de ce Chapitre. Lhuys du millieu sera d'une demy largeur d'entre les deux pilastres. sa haulteur se trouuera ainsi, quant son antipagmēt sera faict d'une sixiesme partie du iour, & la corniche semblable a loeil de l'imposte assize dessus, & adioinct sur icelle la Scime, faisant apres la Frize moindre d'une quatriesme partie que l'antipagmente, par ainsi se trouuera la haulteur d'elle mesme: laquelle ne viēdra guere mains de deux quarrez. Le frōtispace se fera selon lung de ceulx qui sont au reigles du Doricque. L'architrabe frize & corniche soiēt en haulteur la quatriesme partie d'une longueur de colōne, faictz selon la deuandictē reigle donnee. L'ordre de dessus sera moindre ou plus bas la quatriesme partie, & ainsi sera l'architrab. frize & corniche vne cinquiesme partie dicelle haulteur, laquelle viēdra a la quatriesme partie d'une haulteur de colōne: mais quant au compartement ou diuisiōs des particulieres mesures, lon les trouuera parfaitemēt & ample en l'ordre Composite. Les fenestres faictes avec les arcures, auront telle largeur cōme lhuys, semblablement les pilastres avec les arcures, & leurs haulteurs seront de deux quarres & demy, & cecy est pour donner plusgrāde lumiere aux mansions. Les colōnes seront plattes, & la quatriesme partie plus courtes que celles de desoubz. La largeur des nichetz entre les colōnes & les fenestres serōt d'une grosseur & demye de colōne, & la haulteur de quatre grosseur de colōne. Et sil restēt encore quelques diuisions, avec ce yra on tousiours prendre secours a la premiere reigle de son ordre, car de ceste Corinthie trouuera on la mesure au cōmencemēt de sond' ordre. Dessus icelle ordre pourroit on faire (qui vouldroit) vng pourmenage ou allee, bien asseuree des eaues, & que la haulteur de la puymēt dict Podie soit de bōne & ayfible haulteur pour sapuyer ou a reposer les bras dessus, laquelle face demonstreroit grande decoration, & feroit grande commodite aux habitans dicelle.











## DE LA IONICQVE.

**A** Vlcunefois comme iay encor dict, Larchitect pourra trouuer bon nombre de colonnes, mais par aduenture si bas quelles ne pourront satisfaire a sa besongne. Si ainsy est, que dicelle ne se scait ayder & telz membres appliquer a la pertenance de l'edifice que voudra faire, & pource si la haulteur de la gallerie monte plushaulte que les coulomnes, lon pourra au milieu de la facie faire vng arcure, qui sera soubstenu de larchitrabe qui viendra sur les coulomnes, lequel Architrabe seruira pour imposte dune arcure: mais la ou larcure sera, se fera vne croiseure ainsy que veez au plant cy desoubz. & pour assurance & fortification de loeuure, soit sur chascune coulomme posee vne clef de fer ou de metal, comme dict est au Doricque. Les diuisions de ceste face seront telles, que l'entrecoulomme du milieu soit de six grosseurs de coulomme, & la haulteur desdictes coulomnes avec Base & Chapiteau soient de huit mesures. Larchitrabe contiendra aultant comme la grosseur de la coulomme en la partie superieure, la mesme aura larcure: sur lequel lon fera vne Corniche, & la haulteur d'icelle soit la quatriesme partie maieure que l'Architrabe, sans le thore de desoubz avec son fillet: de laquelle corniche se feront aussy les chapiteaux des piliers estant sus les coulomnes, & seront iceulx de la mesme largeur come les coulomnes d'enhault. Les entrecoulomnes des costez doibuent estre en latitude de trois grosseur de coulomnes. L'altitude ou haulteur de la porte ou huys, sera que l'architrabe soubstenant larcure seruira de corniche sur icelluy huys, en rechangeant quelque partie de ces membres, sicomme lon aperceoit en la figure. Soubz ladicte corniche est posee vne frize, laquelle sera la quatriesme partie maindre que l'architrabe, & le supercile avec son pilastre de la mesme haulteur. Mais aultant que contiendra l'espace depuis le desoubz du supercile iusques au degrez, de la mite d'icelle sera la largeur de l'œuerture de lhuys, & ainsy sera le iour de deux quarres. Les fenestres soient egales ou bout du iour dudiect huys en la partie d'enhault, & leurs largeurs de deux grosseur de coulomnes: leurs haulteurs sera prinse en ligne diagonale. La seconde ordre sera la quarte partie maindre que la premiere, & apres auoir fait le Podie ou apuyement de raisonnable & aysee haulteur ce qui reste se partira en cinq. le quatre parties seront la haulteur des coulomnes, & l'autre pour l'architrabe, frize, & corniche, obseruant tousiours la mesure donnee de ceste ordre. La largeur de la fenestre du milieu, sera contenant avec son l'antipagmète, aultant que le iour de lhuys est large, & icelluy iour dicelle fenestre tiendra deux largeurs de l'œuerture: en l'aornement de dessus vsra on de semblable reigle donnee. Les fenestres des costez seront large comme celles de desoubz, & leurs haulteurs seront egales a celle du mitant. Leleuation ou esleuement de dessus ceste deuxiesme ordre sera aussy la quatriesme partie maindre, & chascun membre diminue a l'aduenant. Quant au iour d'icelluy soit tenu la premiere ordre de desoubz, & touchant de faire ou non ce troiziesme ordre est a la vouldente & plaisir des Architectz.










# DE LA IONICQVE.

**E** Stant doncques, comme iay declaire au comment de ce liure, la maniere du Ionicque prinse en forme feminine ou matronale, encore est chose aussy conueniente & dufable, ayant a faire vne cheminee de ceste ordre, de ymiter & adioindre ceste espece, de laquelle la proportion sera telle, Apres auoir prins la haulteur de l'oeuerture, que depuis le planchier qui est le basiusques au desoubz de l'architrabe soit comparty en huit egales parties, & seront icelles a limitation des coulomnes, desquelles lon formera ceste monstreuse ou entremeslee figure, conformee en telle maniere, laquelle seruira pour Modiglions. L'architrabe, Frize, & Corniche, sera d'icelle la quatriesme partie en haulteur, ainsy que deuant est dict. Lepitaphe ou tablette reposant sur les Chapiteaux, qui occupe l'Architrabe & la Frize, ie croy que les Antiques pour auoir spatieuse place a escrire quelques lectres ontz souuentefois vse, & aussy pource quilz desiroient la nouuelle: Laquelle table de la faire ou non, sera tousiours au bon vouloir de l'architect. Le second ordre avecques les daulphins est fait pour deux causes, lune est pour plus grande oeuerture de la bouche recepuant la fumee: lautre est pour oster la forme Piramidale, laquelle fait en vne chambre la gueule d'une cheminee de raisonnable & bonne haulteur, toutesfois seront tousiours les choses a la liberte des Architectz, de les faire maieur, mineur, ou de les non faire.










## DE LA IONICQVE.

**C** Este aultre maniere de cheminee vient fort ayseement pour quelque petite place, & se vse de plus basse haulteur que la face de l'homme, a cel le fin que le feu fort nuysant a la veue de la personne, puisse chauffer la reste du corps sans icelle offenser. La larguer de ceste cheminee soit vng quarre parfait. Le Pilastre, sera de la largeur dicelle, vne sixiesme partie: & la Cimaife de la septiesme part du Pilastre, De la reste se fera douze diuisions, les trois donnera on a la premiere fascie, quatre a la seconde, & cinq a la troiziesme. Et peult on aussy pour plusgrand enrichissement faire les astragales, comme lon voit cy au coste. La haulteur des volutes soit de la mesme haulteur de trois fascies, expulsant la Cimaife, & icelles volutes diuiser en trois egales mesures, lune sera pour la frize avec la canelature. L'autre pour le chine avec lastragale & fillet, & la tierce lon donnera aux volutes, lesquelles penderont au costez egales a la Cimaife, mais les fueilles tumberont iusques a la fin de l'architrabe, la haulteur de la couronne avecques les deux Cimaifes, & Scime, contiendront ensemble aultant comme la seconde & tierce fascie avec leurs Cimaifes. Mais la proiection dicelle couronne soit comme la haulteur de tout. Les Cimaifes & Scime tiendront tousiours leurs carreures. Telle semblable forme ay ie fait mestre en oeuvre, & plaist fort bien a vng chascun. Et ainsy que dict est de la preterite, se icelle escheoit (a cause de sa plantureuse) trop spacieuse, par ce lon pourra faire le pilastre dune huietiesme partie de la largeur de louverture. Et ainsy se trouuera en elle mesme plaisante & agreable. La partie que dessus est mise pour decoration se fera au plaisir & volonte de L'architecte. Et est notoire que icelle cheminee sentend estre le tout en l'especeur du mur, & du yroit bien cest aornement a quelque huys ou fenestre de tel ordre.



FIN DE L'ORDRE IONICQVE, ET COMMENCE LE CORINTE.








# De l'ordre Corinthe avec ses aornementz.

## CHAP. VIII.



Itruué au.iiii<sup>e</sup>.Lib.Chap.i. traicte seulement en ceste Corinthe du Chapiteau, quasyl fil vouloit dire, Ledi<sup>t</sup> Chapiteau estre posé sur la coulomme Ionique seroit vne œuvre Corinthe. Et combien quil denote au.ii. Chapitre, la deriuation des Modiglions de la Couronne, touteffois ne donne il d'aucuns aultres membres nulles reigles ny mesures. Mais les Romains Antiques fort se delectantz en ceste espece Corinthe (cōme aussy des aultres) faisoient les Bases de ceste coulomme fort sumptueus d'enrichissementz & de plantureux membres, desquelles Bases pour en donner aucune reigle, ne celeray vne des plus triumphez des edifices de Rome, Cest le Pantheon, appelle Nostre dame la ronde, & illec mestant toutes les mesures. La Coulomme Corinthienne avec Baze & Chapiteau pour vne reigle generale fera on de neuf parties en haulteur, de laquelle le Chapiteau sera hault d'une grosseur de coulomme embas, & sa Base d'une demy grosseur d'icelle. Et ceste demy haulteur dudi<sup>t</sup>e Base se compartira en quatre egales diuisions, lune donnera on au Plinthe. Les aultres trois se partissent en cinq, l'une desquelles sera pour le Thore de dessus, & celluy de desoubz sera la quatriesme partie maieur. Ce que doncques est restant, soit mis en deux egales parties, lune d'icelles baillera on au Trochille ou Scotie inferieure avec son Astragale & les deux filletz. Ledi<sup>t</sup> Astragale sera de la sixiesme part dudi<sup>t</sup>e trochille, & chascun desdi<sup>t</sup>z fillet d'ung demy Astragale. Mais le fillet sur le Thore inferieure soit de deux tiers: pareillement lon diuifera laultre partie en sorte que l'astragal. sera d'une sixiesme, & le fillet de la moitie, mais le fillet soubz le Thore superieur sera la troiziesme part plus grant que laultre. La proie<sup>c</sup>ture du Plinthe, si elle est posee sur quelque aultre ordre de coulommnes, on le fera semblable a celluy du Ionique, mais si son assiette se faict sur son fond, lon fera sa proie<sup>c</sup>ture cōme celle du Dorique. Et aussy selon la place ou lesdi<sup>t</sup>z Bases seront assiz, conuiēt a l'Architect sur ce prendre regard & aduis cōme deuant est dict. Car quant icelle Base sera pose au desoubz de la veue il viendra tresbien: mais est il surmonte de la veue, tous les membres occupez des aultres a cause de la distance, les conuiendra faire plus grandz que la reigle donnee. Quant aussy on les voudra asseoir fort hault, de tant plus doibuent iceulx membres estre moins, & de plus grande corpulence: & en ce fut l'Architect de la Rotunde fort expert ingenieux, cōme de me<sup>s</sup>tre soubz les coulommnes de dessus le premier ordre au dedens biē deux Trochilles, mais avec vng Astragale seullemēt en lieu des deux.








A deriuatiō du Chapiteau Corin-  
thien fut d'une pucelle de Corinthe :  
mais pource que Vitruue au quatrief-  
me liure Chapitre premier descript

de sa deriuatiō, a celle cause ne m'em-  
pescheray plus aduant d'en faire narratiō. Neant-  
moins ie veulx bien dire que si lon auoit a faire  
quelque Temple pour la vierge Marie, ou pour  
aultres Sainctz ou Sainctes de vie virginale: pa-  
reillement quelques maisons ou sepultures pour  
aucunes personnes de nēste chaste & honneste  
vie, l'on pourroit vser de ceste maniere. De ce cha-  
piteau doncques sera la haulteur comme la gros-  
seur dela coulomme embas, & l'abacus soit la sep-  
tiesme partie d'icelle haulteur: de la reste se fera  
trois egales diuisions, l'une pour les fueilles infe-  
rieures, la secōde pour celles du millieu, & la tierse  
pour les Caulicules ou Volutes ainsy que appeler  
les voulons: mais entre lesdictz Caulicules &  
fueillages du mitant soit garde vne espace pour  
les petites fueilles, desquelles croissent & sortent  
lesdictz caulicules. Le chapiteau nud signe par B,  
fera au desoubz aultāt gros cōme est la coulomme,  
en la superieure partie. Et soubz l'Abacus se faict  
vne Cincte, de laquelle sera la haulteur d'ung demy  
Abacus, duquel Abacus estre faict trois parties,  
l'une sera la Cimaise avec son fillet, & la reste  
pour le Plinthe. Desoubz les quatre coings du-  
dict Abacus viendront les plus grandes caulicules,  
& au milieu de l'Abaco soit faict vne fleur de la  
mesme haulteur dicelluy, soubz laquelle fleur se  
receptueront les petites caulicules, & au desoubz  
tant d'icelles comme des grandes, viendront join-  
dre les fueilles du mitant, entre lesquelles naissent  
les petites fueilles, & hors d'icelles sortent les cau-  
licules ou Volutes. Les fueilles tant du millieu  
comme celles d'embas seront chascune en nom-  
bre de huit, estant assiz sicomme la figure de C,  
le demonstre. La largeur de l'Abacus d'ung des  
coings aultre sera de deux Diametres, de gros-  
seur de la coulomme embas, lequel Diametre mis  
en careure, & au dehors dudit tirer vng cercle qui  
touchera les quatre coings, & puis apres de re-  
chief faire de ce grand cercle vng quarre & com-  
party en Diagon, se trouuera icelle ligne de deux  
Diametres, ainsy que le Texte de Vitruue le de-  
clare. Mais de la ligne B, C, fera on vng parfaict  
triangle, & sur le bout X, sera le point pour en-  
cauer l'Abacus, & de l'espace du grand cercle en-  
tre le petit sera quatre diuisions faicte, vne d'i-  
celle demeurera dessus A, & les trois seront ainsy  
emportees, que l'ung des pied du compas mis sur  
le point X, & l'autre sur le point A, & ainsy cir-  
cuyant de B, a C, & la ou les lignes creuses tou-  
chent au deux costez du Triangle, la sera la deter-  
mination des coings du Chapiteau. L'exemple est  
en la figure D, & en ceste maniere viendra l'Ab-  
acus en perpendicule avec le Plinthe de la Base.



D, grosseur de la  
coulomme embas.

Fleur  
Cimaie  
Abacus

Caulicules.  
Feuilles moindres  
Feuilles moyēnes

Feuilles dembas


C, grosseur de la  
coulomme enhaut




**Q**uant a larchitrabe frize & corniche de ceste corinthe, ainsy cōe iay dict au cōmencemēt de ce chapitre, ne'n dōne Vitru. aulcunes mesures combien quil meēt lorigine des mutiles, lesquelz mēbres se peultēt faire en touttes manieres sicom me lon voit aux anticquitez, mais pour proceder modereemēt sans aller hors du texte de Vitru. ie poseray sur ce chapiteau laornemēt Ionicque adioustant a larchitrabe les astragales, & vne echine soubz la courōne, ainsy que ont faict en Rome aulcuns architectz modestes. Parquoy ie dis larchitrabe estre faict selō que dict est au Ionicque desoubz la fascie du millieu se fera vne astragale de lhuictiesme partie de ladicte fascie, & soubz la fascie superieure aussy vne de lhuictiesme part de ladicte fascie, entretaillee cōe lon voit. Apres quant la frize avec sa cimaise est posee, & au surplus le dētille avec sa cimaise, lon posera lechine dessus de telle haulteur cōe la premiere fascie, laq̃lle par sa proieture & entailleure se mōstrera plusgrād q̃ la fascie du millieu, dessus icelle echine meēt on la corōne cimaise, & scime, en la maniere q̃ dict est au Ionicq̃.

**E**t pource que aulcū architectz Romains procedāt quelque peu plus hardiemēt, nōt seulle mēt affiz lechine sur le dētille, mais faisoiet mutiles & dētilz ensemble en vne corniche, laq̃lle chose est de Vitruue fort mesprisee au .4. liure, chap. 5. pource que les dētilz representēt aulcū petit creneaulx appelle de Vitru. Afferi, & les modiglōs sont este fōde a limitatiō d'aulcū aultres boutz de bois nōmee d'iceluy aucteur, cāterii: lesquelles deux sortes de petitz sommes ne peultēt duyre ensemble en vne place, & moy pour ma psonne ne vouldroie iamais supporter dētilz & mutiles en vne mesme corniche, cōbien que rome en est habōdāt, & plusieurs places d'Italie, mais modereemēt pseuerāt en tel ordre, ie trouue vne generale reigle, qui est, q̃ la colōne, avec base & chapiteau soiēt diuise en 4. & lūne dicelle baille on a larchitrabe frize & corniche, & telle haulteur saccorde avec le doricq; ceste, .iiii. partie dōc se diuifera en 10. trois serōt pour larchitrabe, cōparty cōe deuāt est dict: trois pour la frize & .4. pour la corniche: & ces .4. diuifese en neuf, lūne sera pour la cimaise que est dessus la frize. 2. dōnera on a lechine avec son fillet .2. pour les Mutiles avecques leurs cimaises, aultre, 2. pour la courōne, & les .2. derniers serōt dōnees a la scime avec sa cimaise, laq̃lle sera de la 4. partie de ladite scime, la


proiecture de chascun mēbre soit cōe dict est: lon porra aussy faire cest architrabe, frize & corniche de la 5. partie, de haulteur de la colōne, ainsy que Vitru. mentiōne du theatre, au liure. 5. chap. 7.










**L**A diminution de la Coulombe Corinthe se fera ainſy que dict eſt des aultres, & auſſy ſelon quelle ſera en haulteur: de ſeize piedz embas ſera admoindre, en la ſuperieure partie la ſixieſme part avec la reigle donnee: & ſi elle eſt ſtriee ou canellee, la ſera on comme celle de Ionicque: mais depuis la tierce part embas, ſeront plains, ainſi que lon voit a ce quanton, du coronement, qui eſt ſans Mutiles, ſera l'Architrabe d'une moictie de groſſeur de colonne: La Friſe, veu quelle eſt entretaillee, viendra la quatrieſme partie pluſ haulte que l'Architrabe: & la Corniche ſans la Cimaife de la Friſe ſera haulte cõe ledict Architrabe: la haulteur de tout enſemble, ſera quelque peu moins que la cinquieſme partie de la longueur de la colonne, neautmoins ſi la proiecture de la couronne eſt fort ſaillante, elle ne ſen demonſtrera que pluſ haulte, & ſera a l'edifice de moindre poix. Parquoy l'Architecte entendu & expert peult touſiours choiſir les meſures que myeulx luy duyront. Pourueu quil ne ſorte hors la leçon de Vitruue, & des bonnes anticquitez, deſquelles par ſes deſcriptions on en ha la congnoiſſance. Pareillement ſil aduenoit auſſy que par quelque accidēt icel le colonne eut affaire d'une ſienne proportionnee Stibolate, n'ayant a obediſſer a nulles choſes, ainſy ſera la proportion d'icelle, que la largeur ſoit diuiſee en trois, & deux d'icelles ſeront adioutez pour la haulteur, qui ſera vng quarre & deux tiers, i'entendz le plat, laquelle haulteur ſe diuiſera en ſept egales parties, & vne ſemblable d'icelles baillera on au Baſe, & encore vne pour la Corniche de deſſus, & par ainſy ſera ledict Stilobate ou Piedeſtal proportionne a la Coulombe auſſy de neuf meſures. Et quant des particuliers membres des Baſes & Corniches, cy apres en demonſtreray par aucunes Antiques, deſquelz on pourra tirer telles meſures que myeulx viendront a propos.











## DE LA CORINTHE.

**E**Ntre les aultres Antiquitez d'œuvre Corinthe qui se voyēt aux Itales, me semble que le Pantheon de Rome & l'arc triumphal qui est sur le port Danconne, sont des plus belles & des my-eulx entendues, Duquel Arc le chapiteau cy desoubz figure par A, est proportionne en diligence apres le grād: la haulteur duquel va quelque peu hors des escripts de Vitru. Neātmoins il a pour-tant bonne correspondāce, & peult estre que l'intention dudit Vitru. est, que la haulteur du chapiteau soit dune grosseur de colōne sans l'abacus, & que en cest endroit le texte est corrūpu, pour ce que ie nay trouue seullemēt ce chapiteau, mais plusieurs de ceste proportion. les coulōnes de ceste arcq sont canellez ainſy qu'on voit. Le piedestal avec le base dessus est mēbre dicelluy arcq proportionne en petit. La Corniche cy de coste designee p A, fut trouuee al foro transitorio en Rome, & est forte modereemēt faicte pour corniche Corinthe sans modigliōs. Celle marque B, est vng petit plus hardie, mais celle signee p C, est la plus malplaisante pour les doubles mēbres qui viennēt soubz la courōne embas qui cause la mauuaise grace dicelle, & que la courōne avec tāt de corniches a trop peu de faillie. Le bas dung piedestal D, est fort beau a mon aduis, & aussy ie iuge le basement signe par E, estre vne chose qui a cōtinue a quelq̄ edifice. lesquelles choses toutes ensembles peult on applicquer en lordre Corinthe: & au Ionicque ay ie aussy veu les semblables. L'architabe V, est en Verone a vng arc triumphal, duquel les fascies en effect sont contraires aux escriptures de Vitruue, Neantmoins lay voulu cy mētre pour demonſtrer les differences.











## DE LA CORINTHE.

**Q**uant aux huys de ce Corinthe n'en traicte Vitru. nullemēt, mais ie iray aux Anticques, lesquelles encor pour l'heure l'on voit en estre. La porte ou huys signe par S, Y: est a Tiuali sur la riuere Aniene, en vng rond tēple d'œuure Corinthe, lequel huys est diminue en la superiorite la dixhuitiesme partie: la haulteur passe deux quarrez: la reste des mēbres est proportionne apres le grand. La fenestre T, X, est au mesme tēple, au dessus diminuee cōme la porte. Les Pilastres ou Antipagmēte, sont ensemble de proportiō, lesquels par le cōpas legieremēt trouuer lon pourra.

L'huys suyuant signe par P, Z, est celluy du Pantheon a Rome dict la rotunde œuure Corinthe, lequel ha vingt palmes Anticques en largeur, la haulteur. xl. L'on dict aussy que l'Antipagmente est tout d'une piece, dequoy nay veu le contraire. L'antipagmente doncques de ceste huys est de l'huysiesme partie de la largeur du iour, & est par ses flans de tresbōne grosseur. Mais pour tant que veoir on ne peult le front d'icelluy sans vne partie des costez, semble pource aux regar dans estre plu large que en effect elle n'est. Et cest huis (a cause de sa grande haulteur) vient a perpendicule & non diminuee comme les deuandistes. Tous les aultres membres sont proportionne apres le grand: la Base de dessus la porte ou huys, est ycelle des colonnes plattes, dessus la premiere ordre, laquelle iay allegne au Corinthe.











## DE LA CORINTHE.

**C** Est huys cy desoubz forme, est a Palestine, pour l'heur appelle Pelestina, & est oeuvre Corinthe duquel louverture est de deux quarrez, Lantipagmente ou pilastre est d'une sixiesme partie de la largeur diuise en la maniere que dict est, La Frize, est la quatriesme partie plus haulte que le supercile. La couronne avec la reste contient aultant comme ledict supercile, com party ainsy qu'on apparceoit en la figure, les Prothirides ou Ancones avec leurs appartenances pendent si basses comme lon voit. Le frontispice se faict, ainsy que dict est en l'ordre Doricque en la seconde face.






**C**ombien que ceste porte ou huys soit differente a tous aultres que iamais aye veu aux Antiques, si est elle touteffois fort plaisante & demonstrable a loeil, laquelle porte ou huys est de Spolere enuyron vne demye lieue hors du grand chemin, a vng Temple Anticque d'œuvre Corinthe. Et de la proportion d'icelle ny de ses membres n'en parleray plusauant, car qui cherche de pres, pourra le tout trouuer au compas.





## DE LA CORINTHE.

**D**E ceste Corinthe, laquelle est agreable a vng chascū, formeray plusieurs sortes dedifices en donnant dicelles aulcunes reigles generales, pour plus satiffaire a ceulx qui de mon labeur se delectent. Et pource que les anciens Architectz, lesquelz voulurent que leurs choses fussent a perpetuite, faisoient les Pilliers (auquel les pilastres sont enserres) qui soubstienent les arcures de bonne espaisseur. A ceste cause ceste sequēte face ha le pilastre, asscauoir, le corps entier de front semblable a la largeur des arcures, mais sa grosseur tient la quatriesme partie moins. La grosseur des coulommnes seront dune sixiesme partie du pilastre. les Nichetz d'entredeux les coulommnes, seront large deux grosseurs de coulomme. Leurs haulteurs seront quelque peu moins que de deux quarrez. La haulteur des piedestalz sont de trois grosseur de coulomme. La haulteur des arcures fera on de deux quarrez. La haulteur des coulommnes, bases, & chapiteaux, seront de neuf parties & demy. La largeur de larcure avec les pilastres, se fera dune demye coulomme. Limposte qui soubstient larcq sera de la mesme haulteur faict en la sorte comme celuy du Theatre de Marcello en lordre Ionicq; laquelle imposte seruira sur lhuys de corniche. La haulteur du dict huys fera on en ceste mode, Que au desoubz de ladicte corniche soit le supercile faict de la mesme haulteur, & depuis la embas sera faict deux egales diuisions, iusques sur le degre, desquelles diuisions lune sera la largeur du iour. Pareillemēt la corniche de lhuys sera egale a celles des fenestres qui sont decoste. Et la cimaise du piedestal viendra aussy egalemt desoubz lesdictes fenestres. Le iour dicelles sera prins en diagonale, & lantipagmente de la sixiesme partie du iour. Les particuliers membres du Piedestal, Base & Chapiteau, seront faictz sicomme est notoire au commencement de ceste ordre. Dessus les coulommnes assied on l'Architrabe, Frize, & Corniche comparty en la maniere cy deuant demonstree. La haulteur du deuxiesme ordre sera maindre ou pluscourte la quatriesme partie que la premiere. Et tous les membres ensuyuant diminuez comme en la figure lon peult apparcevoir & mesurer. Leleuation ou admortissement de dessus lequel ie n'estime pour vng ordre entiere, mais beaucoup plusbas, la haulteur dicelle est cōme la largeur de larcure dembas. Et sa corniche laquelle sert d'Architrabe & de Frize, sera dune cinquieme partie de ceste ordre en haulteur. Lesquelles mesures prendre lon peult du chapiteau Doricque. Et pour plusgrand aornement pourra on poser dessus vng fastige, mais le mesme mis au mitant defigurerait les petitz de dessus les Nichetz, si ce n'estoit doncques qu'on les laissast courir en rondeur. Par laquelle chose feroit l'oeuvre transmuier & delectable a loeil.










## DE LA CORINTHE.

**T**ouſiours quant l'Architecte voudra edifier vng Temple, tant plus ſera ſon fond ou paue-  
ment eſſeue de terre, de tant plus ſe monſtrera magnificque: & ainſy ont faitz les vrayſ An-  
tiques, combien quilz vſoient d'autres formes de Temples fortz differentz des enſuyuans, car  
ilz ne faiſoient qu'ung corps ſeulement. Mais entre nous Chriſtiens nous faiſons la pluſpart de  
noz Temples en trois parties, ioindant vne partie au milieu, & deux aux coſtez: & aulcuneſſois  
ſe font Chappelles hors des coſtez, comme en la platte forme lon peut apparecevoir. La largeur  
de ceſte face ſera de trente deux diuiſions, deſquelles lune d'icelle ſera la groſſeur d'une coulomme.  
L'entrecoulomme du millieu donnera on ſept parties. Les groſſes entrecoulomnes des coſtez ſe-  
ront chaſcune de quatre part & demye. Les entrecoulomnies de Nichetz auront chaſcune deux  
meſures, & par ainſy ſeront les trente deux diuiſions alleuees. Les arcures avec leurs Pilaſtres ſe-  
ront large d'une groſſeur de coulomme. La largeur de l'huys ſera de trois parties & demye, & la  
haulteur de ſept: l'impoſte ſoubſtenant l'arcure eſt autant large comme ledict arcure. La haulteur  
des Piedeſtales ſeront de trois pars. La haulteur des coulomnes avec Baſes & Chapiteaux de  
neuf parties & demyes. L'architrabe, frize, & corniche, ſeront d'une quatrieſme partie, de longueur  
de la coulomme, & quant au reſidu des particuliers membres reſtant, ſoit obſeruee la premiere  
reigle. Touchant des fenestres, nichetz, & autres aornementz, peut on comprendre en la figu-  
re, & meſurer. La deuxieſme ordre ſera la quatrieſme partie pluſcourte que la premiere, & tous  
ſes membres diminuez a la d'uenâr: mais l'architrabe, frize & corniche, ſeront diuiſees en trois ega-  
les parties, ainſy que des autres eſt mentionne. Le Faſtige ſe fera en la ſorte que Vitruue en l'or-  
dre Doricque ha demonſtre. Les deux coſtez ſeruant de decoration & de ſoubſtenement, ſeront  
d'une quatrieſme partie d'ung cercle, deſquelz le centre eſt A, & B, & vne chaſcune d'icelles cho-  
ſes peut on poſer ſur chaſcun arcure, qui diuiſe les Chappelles, qui ſera grande ſoubſtenance pour  
l'œuure du millieu, & auſſy par icelles ſe pourront conduire les caues du toict de deſſus iuſques  
ſur les parties d'embas.











## DE LA CORINTHE.

**L**A diuision de ceste precedente oeuvre sera, que le pillier soit dune troiziesme partie de la latitude de larcure, mais la grosseur dune sixiesme partie. La grosseur de la coulomme sera de mesmes, Sa haulteur contenant Base & Chapiteau de dix parties & demye. Larcure, Pilastre, & Imposte seront dune demy grosseur de coulomme, La mesure dudit imposte peult on prendre du Chapiteau Doricque, en rechangeant les membres, Le mesme seruira ausy a lhuys de Corniche, & pareillement pour soubstenement des fenestres qui sont dessus les bouticles. La haulteur de Larcure (car souuentefois pour aucunes causes, les conuiendra estre de si basse stature comme en la presente pouez apparcevoir) sera en largeur de trois parties, & cinq en haulteur, & par ainsy aura lhuys la mesme proportion. Lantipagmente sera dune sixiesme partie de la largeur du iour. Et sil aduient que Larchitecte vueille faire la haulteur de larcure de double proportion, viendra ausy lhuys de la mesme mesure: mais les colonnes appartiendroient auoir desoubz les bases vne grande pierre, ou Plinthe, desquelles choses les Anticques se sont aydez. La haulteur de Larchetrabe, Frize, & Corniche, soient de deux grosseurs de coulomme, comparty ainsy que dict est au commencement des reigles, ou en la maniere d'aucunes Anticques cy deuant mentionnes. Et pource que l'espace de desoubz larcure iusques au pauement ou planchier qui egal est au dessus de la Corniche seroit trop grãde pour voulsier en croix, a celle cause ie concluyroie de faire droictement derriere la coulomme vne arcure, & entre chascune espace voulsier en mode de chaudiere ou chauderon, ainsy comme au plant lon peult apparcevoir. La haulteur du second ordre sera la quatriesme partie maindre ou plus courte que la premiere, & partie en ceste maniere, que le podie ou appuyement soit en haulteur la grosseur de deux colonnes d'embas. Et de la a mont diuise en cinq, l'une donnera on a Larchitrabe Frise & Corniche, & les quatre feront pour la longueur des coulommnes. Les arcqz avec leurs pilastres, seront dune demye grosseur de coulomme. Du residu sera obseruee la generale reigle. Et sil aduient que icelle face soit sur quelque place ou marchie, sicomme par les bouticles des costez le demonstre, par ainsy se trouuera elle plus aysee & manifique de faire vne ligne, asscauoir vng appuyement dessus la superieure ordre: mais pour icelluy assseurer des pluyes, neiges, & gelleures, sera besoing sur toutes autres diligences de faire vne voulsure, ou pauement bien serre, & venant au deuant en declination, pour causes des eaues, & seroit chose plus seure de couvrir tel pauement de plomb. Com bien touteffois que les bons & vrayz Architectz desprisent, & suyent vne coulomme ou pilier laquelle est posee sur vne place vaine, ce que pareillement ie ne prise. Neantmoins pource qu'ung tel subiect ay veu au portique Pompee en Rome, faict de l'oeuvre Doricque, ie m'ay biẽ voulu enhardier de mectre cy le semblable, pour si dauenture a quelcun pourroit seruir.









## DE LA CORINTHE.


**P**ource que les Venetiens en leurs fabricques fort se delectent en l'oeuvre Corinthe, & pareillement en plusieurs fenestres, & appuyement assez. A ceste cause en ay voulu icy former vne, laquelle est fort plantureuse de iours & d'appuyementz dict podies, & ay voulu aussy asseoir gallerie sur gallerie, lesquelles amainent plus grande commodite, que les saillies ou proiectures, & fera la fabricque de plus commodieuse representation, a celle fin que toutes les choses de dedens ou la veue se peult dilater, soient de plus grande satisfaction.

La compartion de ceste face sera, que la largeur diuisee en trente parties, & lune dicelle sera la grosseur dune coulomme, lentre coulomme du millieu sera de .iiii. diuisions, mais tout le residu des autres de trois, & par ainsi seront toutes icelles diuisions allouee ou distribuee. La haulteur des coulomnes seront de dix pars & demye, avec Bases & Chapiteaux. Larchitrabe, Frize & Corniche, seront ensemble la cinquiesme partie de la haulteur dune coulomme, iceux membres diuise en la maniere que dict est. Les iours des fenestres seront en largeur dune coulomme & demye, toutes en perpendicule, depuis le hault iusques embas. Mais la haulteur des fenestres premieres soient de quattres diuisions, & trois de large. Et celles qui viendront dessus, auront leurs haulteurs en diagonale. La largeur de lhuys sera de deux grosseurs de coulomme, & .iiii. de haulteur. Lantipagmente, avec le supercile, frize, & corniche, seront parties comme des autres est dict. Et par ainsi viendra la Corniche de lhuys egale a celles des fenestres dembas. La secon de ordre soit plus bas que la premiere la quatriesme partie. mais les apuyemens ou reposementz avec les balustres, se feront de telle haulteur comme la largeur dune fenestre: la reste de la haulteur se partira en cinq, lune sera pour larchitrabe, frize & corniche, & les autres quattres seront pour la coulomme, contenant en soy base & chapiteau. La haulteur des fenestres, seront de deux quarez, du ramanant des aornementz se feront a lequipolent des autres, Et pareillement sera lhuys de la gallerie semblable a celluy de desoubz. Le tiers ordre sera diminue du second la quatriesme partie, & mesmement chascun membre, excepte la haulteur des fenestres, qui seront en haulteur de double carreure, & plustost plus que moins, a cause que la haulteur samoin drift d'elle mesme. Leleuation ou couronnement du millieu sera en haulteur aussy diminue la quatriesme partie, ainsi comme dict est des autres. Larchitrabe, Frize, & Corniche, seront d'icelle altitude la quarte partie. Le fastige se fera semblable a ceulx des temples doricque, come dict est.

Et reste il encor aucuns autres mesures, on pourra retourner a la premiere Reigle.

Cy desoubz ne mettray son plant ou platte forme, car la perspective des galeries le demonstre assez clere ment.









## DE LA CORINTHE.

**A** Insy qu'autrefois i'ay dict, que vng architecte aura des colonnes a planter, mais si courtes que aulcunefois ne luy viendront a propos, si ce n'est doncques que l'instruction & science de l'architecte ne soit telle, quil se puisse ayder d'icelles. La composition de ceste face sera, que la largeur d'ung arcq soit doublee en hauteur, Le front du pillier soit de la moitié de telle largeur, & desdictz pilliers en faire trois parties & demye, desquelles sera l'une dicelles la grosseur du ne coulomme, L'entre coulomme d'une demye grosseur de coulomme, & aultant contiendront chascun pilastre avec leurs accures. La hauteur des pedestales sans le plinthe inferieure, soit aultant que la largeur du pilastre entier, & ses membres comme dict est du pedestal Corinthe. La hauteur des coulommnes avec bases & chapiteaux seront de vnse mesures, Ce qui ne sera pourtant reprehensible ny faulx, a cause de leurs conionctions : & considerant aussy que icelles sont mises plus pour aornementz que pour soubstenement d'aulcunes pesanteurs. La hauteur de l'architrave frize & corniche, se fera de la quatriesme partie d'une longueur de coulomme, & au perpendicule des coulommnes sortiront les membres, excepte la couronne & scime, Lesquelles desirent & veulent trauerfer sans corrompre, Car ainsy ont vsez les bons Antiques. Pareillement Brammât vne lumiere d'architecture en nostre siecle, ha fait vne telle maison en Rome a Belvedere. La largeur de l'huys sera de quatre grosseurs de coulomme, & double en hauteur. L'antipagmente, supercile & la frize, seront faitz en telle maniere, que la corniche soubstenant l'arcure, serue dessus l'huys, & fenestres, desquelles la largeur sera de trois grosseurs de coulommnes, & leurs hauteurs de cinq. La deuxiesme ordre sera de la premiere diminuee la quatriesme, partie, & icelle hauteur diuisee en six, l'une donnera on au podie, quatre pour les espaces des fenestres, & l'autre sera pour l'architrave frize & corniche : compartie de telle sorte comme lon trouuera cy apres en l'ordre Composite. Les largeurs des fenestres seront en perpendicule a celles d'embas, & la largeur d'icelles soit doublee en hauteur. De la reste des aornementz, tant des fenestres comme des nichetz se feront semblable comme est demonstre en la porte Ionique pareille a ceste presente. Laquelle oeuvre selon le Corinthe se fera plus amyable & avec plus d'enrichissement. La largeur des nichetz avec les pilastres, seront en perpendicule de dessus des coulommnes & icelle largeur compartie en sept, les cinq seront pour les nichetz, & les deux aultres pour les pilastres, Leurs hauteurs seront de trois largeurs, pource quilz s'esloignent fort de la veue, qui cause sembler plus courte. Les petitz piliers de dessus la corniche sont pose pour decoration, & pareillement pour vtilite seruant les aulcuns de cheminees.










## DE LA CORINTHE.

**C**hofes faictes selon l'usage cōmune, combien que avec leurs proportions & mesures soient formees, sont bien prisees, & nō de grande admiratiō. Mais choses qui ne sont vſees, si ainsi est quelles soient faictes par quelq̄ raison & bien proportionnees, ne seront seulement honnorees de la plusgrand part, mais aussi admirable. Parquoy ceste presente Edifice, lequel represente vng saint temple, qui se fera premierement d'ung ferme rustique comme l'on voit, & de telle haulteur quil appartiendra a la place & assiete, mais quil ne soit de moindre haulteur que l'altitude de deux hommes. Sur lequel plat ou pauement qu'on montera, commenceāt du degre A, estant dedens l'entree, en montant iusque a B, la fera ledict plat ou pauement, auquel le temple aura vne large ambulation circuyant a l'entour du pauement, ledict temple sera esleue depuis l'ambulation iusques dessus le podie encore de trois degrez. Et pour venir illec cōmencera on au degrez C, & ira on iusques sur le plat D, Lequel sera la haulteur du Podie, avec vne aultre appuyement qui sera plus hault que celle d'embas. Et depuis ce plain iusques au pauement du temple seront ses deuādictz trois degrez. La latitude de ceste face se diuſera en vingt & quatre egales parties, & l'une d'icelle sera la grosseur de la colomne. L'entre coulornie du millieu, aura quatre parties: celles des costez ou les fenestres viendront, doibuent estre de trois pars: & la ou les Nichetz sont donnera on a chascune vne & demye, & ainsi seront les vingt quatre diuſiōs allouees. Les mesmes Stilobates ou Piedestales seruāt de Podies, se feront aussi desoubz les coulornes, desquelz Piedestales sera leurs haulteurs sans les Plinthes de desoubz leurs Bases, chascun de trois parties. La haulteur des colomnes avec Bases & Chapiteaux seront chascune de dix pars & demyes. L'architrabe, frise, & corniche, seront dune quatriesme partie de coulornie, cōme des aultres est faict mention, & les membres aussi comparty en la mesme maniere. La largeur de la porte aura trois parties, & sa haulteur sept & demye, lequel vient a deux quarrez & demy: & cecy est faict, pour la distance, la quelle semble estre plus courte a la veue de ceulx qui sont embas. La largeur des fenestres sera dune partie & demye, mais leurs haulteurs oultrepasserōt deux quarrez, pour cause du racourcissement. La largeur des Nichetz soient d'une partie, & leurs haulteurs de trois latitudes, pour icelles raisons. L'ordre qui contient le Fastige, soit en haulteur comme le Piedestal de desoubz, & la Corniche la quatriesme partie de la mesme haulteur: & celle qui esleue le toit soit aussi de semblable haulteur: lequel toit sera de tant plus de demy rond, que la proiection de la Corniche pourroit icelluy obscurcir. Aux quattres coings du temple pour plusgrande manicence & aornement, l'on pourra faire quatre obilifces que nous appellons eguilles: la haulteur desquelles (sans la Scime) seront egales a l'oeil au commencement du Fastige, & les Scimes d'icelles egales au Fastige: lequel l'on fera selon la reigle mentionne au temple Dorique.











## DE LA CORINTHE.

**C**ombien que en nostre temps n'ont este faict nulz Arcqz triumphaulx de marbre ou de aultres pierres, Neantmoins quant quelque grand personage faict aulcune entree en vne ville, lon luy faict en la plusbelle place de ladicte ville vne maniere d'arche triumphal, enrichiez de diuerses aornementz de peintures. A ceste cause si lon veult faire quelque arche triumphal Corinthe, la proportion & mesure d'icelle sera, que la haulteur du iour soit de deux quarez & encore y adiouster la sixiesme partie. La grosseur des coulomnes seront chascune dunc cinquiesme partie de la largeur du iour. La haulteur des Piedestalz soient chascun de trois grosseurs de coulomnes, & la haulteur des coulomnes seront de dix pars & demy. L'epistile, Zophore, & Corniche, soient ensemble d'une quarte partie de la coulomme. Et depuis le desoubz de larcure iusques au desoubz de l'Architrabe, pendera vng rolleau en longueur de deux grosseurs de coulomme, le restroictissement de la part d'embas se tirera sur le centre de larcure. Des particuliers membres, comme Piedestal, Base, Chapiteau, Architrabe, Frize & Corniche, l'on tiendra la reigle preterite. La largeur de larcure avec les Pilastres, soient d'une demye coulomme : l'entrecoulomme soit dune coulomme & demye. Les Nichetz seront de la largeur dune coulomme, & leurs haulteurs trois d'icelles, pour poser quelque figure esleuee. La haulteur du second ordre se fera en ceste sorte, que la coulomme sans Piedestal iusques soubz la Corniche soit diuisee en trois parties, & l'une d'icelles sera la haulteur de ceste ordre, & de la mesme haulteur faire quatre partz, l'une sera la Corniche : de laquelle l'on peult tirer les diuisions hors du Chapiteau Doricque & rechanger ses membres. La haultur des Bases estant esleue sur la Corniche sont d'une grosseur de coulomme embas, & la raison est, que cest pourtant que la proiecture de la Corniche obscurit & emporte la reste du Base. Les Corniches failleront comme en la figure veoir vous pouez. La haulteur du Fastige se fera, selon vne de celles des reigles du Doricque. Et ceste presente figure est vne partie relemblant a vne qui est a Ancone, mais avec reuerence de tel Architecte, ay reduict les mesures en vne reigle generale, a celle fin qu'ung chascun puisse legierement comprendre telles mesures.









## DE LA CORINTHE.


**A** Vltant qu'il m'a peu sembler au besoing, ay traicte de ceste Corinthe, combien que de plusieurs manieres daornementz se pourroit traicter, & des aornementz de cheminees est neccessaire den cōmunicquer, a cause du cōtinuel besoing, de laquelle lon ne se peult bonnement passer. Non seulement en grandes chambres mais aussy en petites acoustument on a faire feu. Auquelles estroictes chambrettes, telles cheminees coustumieremēt volentiers se font en l'espaisseur du mur, en laq̃lle lon pourroit vser de diuers aornementz corinthe. Mais qu'on la faiēt en ceste forme, la largeur dicelle se prendra selon la qualite du lieu, & le pilastre sera d'une fixiesme partie dicelle ouuerture, ou aussy de lhuictiesme partie, se monstrera loeuure plus gracieux & amyable. Lequel pilastre ou antipagmente (ensemble le supercile) sera diuise comme larchitrabe du corniche. La frize du dessus, pour cause de lentreailleure, se fera la quatriesme partie plushaute que le supercile. La corniche avec les chapiteaux des mutiles tiendra autant que le supercile, & la mesme diuisee en trois, ainsy que dict est de la corniche corinthe. La largeur des mutiles ou ancones (ainsy que dire nous voulons) sera en la superieure partie comme le pilastre, mais au desoubz lesquelles viennent condescendre rasibu de louuerture, seront maindre d'une quatriesme partie. Et desoubz icelles pendent deux fueilles ainsy que lon peult apparcevoir, desquelles mutiles seront leurs proiectures au bon vouloir des Architectz.

Quant a laornement de dessus de le faire ou  
non, n'est chose d'importance, Mesmes  
ceste inuention ne seruira scul-

ment a enrichir cheminees,  
mais aussy pour vng  
huys, ou aultre  
chose sen  
peult  
on seruir.

Le frontispice se monstrera  
bien a le mestre dessus,  
quāt dicelle lon  
voudra faire  
quelque  
huys.







## DE LA CORINTHE.

**E**N vne sale ou grande chambre appartient aussy vne chemine de grande formosite, proportionnee selon le lieu, laquelle duyt auoir spacieuse ouuerture : pourtant, veult on faire les Modiglions suffisant a telle saillie, occuperont deux places des costez : mais a tel subiect ientens de faire vne pilier plat, & deuant celluy vne ronde coulomme separee de laultre, en sorte que entre les deux coulommnes reste quelq̃ espace, & en ceste maniere prestera aysemēt & decoration. Et ainsy comme iay dict au commencement de ce Chapitre, que ceste mode Corinthe ha son origine dune pucelle, de la mesme ville de Corinthe : a icelle cause ie lay cy voulu constituer seruant de coulomme. La haulteur doncquez & latitude de l'ouuerture situee selon la place, sera l'altitude d'icelle diuisee en neuf mesures, & lune d'icelle sera pour le chief de la fille,

& le residu de la figure formee & bendee ainsy comme lon voit : Et de semblable proportion sera la platte coulomme ou pilier (ainsy que nommer le voulons) tous-

iours obseruant la reigle preterite. Sur la coulomme meēt on l'Architra-

be Frise & Corniche, & la haulteur du tout sera d'une quatriesme

longueur de coulomme, compartie comme de la deuandiste

reigle. Depuis la Corniche en sus selon la haulteur du

lieu peult on icelle enrichir en ceste maniere cy

demonstree. Et qui suspectionne que aulcu-

nefois ceste inuention ne viendrait

a propos pour seruir de quelque

huys, ioindant les coulom-

nes contre le mur, &

principalement

pour portes

ou huys

dung

iardin, ou

places de trium-

phes, & telles


sembla-

bles.



Cy fine l'ordre Corinthe, & com-  
mence le Composite.







# Du Composite & de ses aornementz.

## CHAP. IX.



Nonobstant que Vitruue enseigne estre quatre manieres de colōnes, asscauoir Doricque, Ionicque, Corinthe, & Thuscane, en donnant quasi de larchitectu-  
re les premiers & simples aornemētz, Toutefois iay voulu aux quattres pre-  
dictes adiouster vne (quasy) cinquiesme meslee desdictes simplicitez, comme  
esmeu de lauctorite des œures Romains, quelz se voyent a loeil. Et certaine-  
ment larchitecte prudent & inuentif appartient estre tel, que selon loportunite,  
plusieurs fois de la predictie simpleste doibt faire vne entremeslee, considerant la nature & subie-  
ction. Et dauantaige q̄ aulcunefois larchitecte (au iugemēt duquel suruiendront diuers subiectz)  
sera habandonne du tout des conseilz & aduis de Vitruue, lequel le tout ensemble n'a sceu com-  
prendre. A locasion dequoy larchitecte sera contrainct mettre la main a son propre aduis, pource  
quil me semble ledict Vitruue ne toucher de ceste composite, appelee des aucuns Latine, & des  
autres Italicque, De laquelle ordre parauenture les vielz Romains nont sceu surmonter les in-  
uentions des Grecz inuēteurs de la doricque a limitation de l'homme, & du Ionicque a lexemple  
matronale, & le Corinthe prenant forme de pucelle: firent doncques de la Ionicque & de la Co-  
rinthe vne composition, meslant les volutes du Ionicque sur lechine du chapiteau corinthe. Et  
de ceste presente se seruoient le plus aux Arches triump haulx que en autres choses. Et cecy fai-  
soient ilz par tresbon aduis, pource que eulx triump hāt de tous les pays desquelz estoit lorigne  
dicelles œures, pouoient bien a leurs plaisirs, comme superieures diceulx, mesler ceste inuentiō:  
ainsy quilz ont faictz en la grāde fabricque du Colisee en Rome. Posant les trois ordres lune sur  
lautre, cōe doricque, Ionicque, & corinthe, ont mis au dessus de toutes ceste composite, laquelle  
dunchascun est ainsy appelee, combien que aultant q̄ veoir lon en peult iceulx chapiteaux sont  
quali corinthe, mais vng tresbeau iugemēt (a mō aduis) fut, que en meslant ceste ordre en la plus-  
haulte partie du Colisee, laquelle sesloigne fort de la veue des regardans, par ainsy lon eut appar-  
ceu, que sil eussent pose dessus icelle colomne, larchitrabe frize & corniche du Ionicque ou co-  
rinthe, que telle œure veu la grande distance se fut trouuee venant moult pourement, mais  
en posant les mutiles en la Frize, faisoient lœure riche, & aydoient a supporter la proiection de  
la couronne: dauantaige demonstroit encor cest autre effect, cestoit que larchitrabe frize & cor-  
niche sembloient estre vne corniche seule par les modiglions mis en la frize, ce qui la faisoit re-  
presenter de grande altitude obseruant sa proportion.

**L**A haulteur de ceste cōposite sera avec base & chapiteau de dix pars, la base sera dune demy  
grosseur dicelle colōne, laquelle on fera corinthe avecques les mesures donnees en icelle: &  
ceste mesme voit on encor a Larche de Titus & Vespasien en Rome. La colōne peult on caneller  
cōe celle de Ionicque, semblablement aulcunefois cōe celle de corinthe, selon le bon semblāt des  
architectz. Le chapiteau peult on faire avec la reigle corinthiēne. Les volutes vng petit plus grā  
de que les caulicules corinthe, lequel chapiteau lon voit a larche deuādict, & est cy au coste de-  
mōstre, larchitrabe frize & corniche, si elle est loingtaine de la veue, larchitrabe se fera dune su-  
perieure grosseur de la colōne. La frize ou les mutiles sont, sera de la mesme haulteur. La cimaise  
des mutiles sera de la sixiesme partie: la proiection desdictes mutiles soit cōe leurs haulteurs. L'al-  
titude de la courōne avec sa cimaise cōtient aultāt que larchitrabe: & icelle diuisee en deux, lune  
sera pour la courōne & lautre la cimaise. La saillie dicelle sera cōe sa haulteur. Et est cecy pour  
vne reigle cōmune, cōbien que en la sequēte figure C, lon voit les mēbres & mesures de celle qui  
est au Colisee deuādict. Et veu que ceste colōne est la plus delicate de toutes les autres, appar-  
tient aussy dauoir son piedestal plus gracieulx & delectable que tous les autres, en ensuyuant la  
cōmune reigle: la haulteur dicelluy sera dune double largeur asscauoir son plat. & dicelle haulteur  
se ferōt huit pries egales, lune desquelles lon baillera pour la base, & aultāt pour la Scime. Et quāt  
aux particuliers mēbres, peult on prēdre lexēple icy au coste, lesquelz sont ensemble proportiōne  
apres le piedestal du dessus d'arche triūphal. Et p ainsy la colōne estāt de dix pries, ledict piedestal  
cōtiendra aussy dix pars. Et cōbien q̄ lon fait tous piedestals en ppendicule, toutefois en Athenes  
vne des plus anciēnes villes en ya daulcū diminuez en la prie superieure, ce q̄ ne veulx despriser.










## DE LA CORINTHE.


**P** Ource q̄ les Antiques ont faictz diuerses meslees, ne veulx celer des plus cōgneuz & mieulx entēdus, a fin que l'architect puisse choiser lequel luy viēdra mieulx a propos. Le chapiteau cy desoubz signe par T, est cōpose du Doricq; Ionicq; & Corinthe. L'abacus avec la Cimaife est doricque: lechine & les gueules sont Ionicque: l'astragale avec les fueillages sont corinthe. Pareillemēt la Base, a cause des deux thores est doricque, mais par les .2. scoties & astragale, & aussy par l'amiable enrichissement se monstre corinthe, lesquelles choses sont in Tresteuere en Rome. Le chapiteau X, & mesmemēt la Base sont de .2. especes doricque & corinthe. L'abacus du chapiteau (& aussy la Base) est Doricq;, mais icelle Base par la decoratiō de l'œuure se peult nōmer corinthe, & semblablemēt sont les fueilles du chapiteau corinthe. Mais pource q̄ l'abacus est quarre, & tout le residu des membres rōdz, se fera au .4. coings desoubz roses, ainssy cōe lon voit figure. Le chapiteau A, avec le cheual mōstrueux mis en place de caulicules peult on appeller cōposite, & est a la basilica del foro transitorio. Les gueules de la colōne sont diuerses aux aultres, ainssy q̄ la desoubz lon peult veoir aupres de A. La base X, est cōposite, estāt en Rome. Le chapiteau B, est entieremēt corinthe, & est au .3. colō. au coste du colisee. Le chapiteau C, est cōpose de Ionicq; & corinthe estāt a vng Arche triūphal en Verone. Le chapiteau D, est au mesme Arche, a dalcunes plattes colom. Le base Y, est cōposite, a cause de l'astragale estāt sur le thore superieure, & est Anticq̄ en Rome.



T




X



X








## DE LA COMPOSITE.

**D**E ceste Composite lon ne trouue guieres d'edifices sinon Arches triumphaulx, & la plus grand part diceulx sont faictz de pieces prinſes d'aultres edifices ruynees, Neantmoins en ayant de ce donne vne reigle generale, par ainſy ne feray de telle eſpece aulcunes inuention d'edifices, car le prudent & bien aduiſe Architecte ſe pourra ſelon ſon oportunité ayder des inuentions paſſees, en rechangeantz icelles au Composite. Mais pource que de chaſcune ordre veulx touſiours demonſtrer deux ſortes de cheminees, l'une en dedens mur, & l'autre dehors. La preſente cheminee, laquelle appartient eſtre totalement en dedens mur, ſi on la veult meſtre en quelque petite place, ſa haulteur viendra iuſques aux eſpaules d'un homme, a celle fin que la veue de la perſonne par le feu ne ſoit offence. Et ſa largeur ſera ſelon la qualite du lieu: la haulteur iuſques au deſoubz de l'Architrabe ſera diuiſe en quatre, & lune d'icelle ſera la largeur de l'Antipagmente ou Pilastre ouurez en la maniere comme le pourraiſt eſt demonſtrant. Et en ceste Composite (a cauſe quelle eſt plus hardiement faicte que les aultres) iay bien voulu faire ce Pilastre fort diuers aux aultres, prenant touteſſois vne partie de ceste inuention d'une cheyre laquelle eſt a Sainct Ian de latran en Rome. L'architrabe ſera dune moictie de la largeur dudit Pilastre: ſa Cimaife de la fixiefme partie: la reſte ſe partira en ſept, trois donnera on a la premiere faſcie, & les quattres a la ſeconde. L'aſtragale ſe fera dune demye partie prinſe entre les deux faſcies. La Frize pource quelle eſt entretaille, ſoit faicte dune quatriefme partie pluſ haulte que l'architrabe: la Cornice ſera ſemblable audit Architrabe & d'icelle en fera. Les deux donnera on a la Cimaife de deſoubz la Couronne, aultres pour la Couronne, & vne pour la Cimaife d'icelle: & les deux reſtantes ſeront pour la Scime. Et la proportion de tout ſoit comme ſa haulteur. Mais ſil aduient que le Pilastre ſoit de la fixiefme partie de ſa haulteur & tous les aultres membres diminuez a laduenant, par ainſy viendra elle pluſ delectable, & principalemēt quāt l'œuvre ſera de petitite forme. Les aornementz de deſſus la Corniche peult on faire ou laiſſer ſelon la voulunte de l'ouurier

::








## DE LA COMPOSITE.

**A** Vltres aornementz de cheminees  
 pourroit on faire de ceste Com-  
 posite, & en diuerfes formes, par ce  
 quelle est plus licentieuse que  
 les aultres manieres d'edi-  
 fier. Et pour rechan-  
 gement de laultre  
 formation, pourra lon  
 faire ceste presente avec ce-  
 ste reigle, Que apres estre la  
 haulteur de larchitrabe comme celle  
 dung homme de bonne stature, lon com-  
 partira icelle haulteur en huit parties, & lune  
 sera pour la largeur des Modiglions ou Rolles, ain-  
 sy que nommer on les veult, Vitruue les appelle Prothiri-  
 des. La haulteur des pedestalz soient comme pour soy asseoir.  
 L'ordre de dessus ledictz Modiglions, laquelle en elle mesme ne con-  
 tient aucune mesure ny reigle, sera deux parties & demyes de la largeur  
 des Modiglions. Et pource (comme iay dict) que ceste maniere va  
 hors de la reigle, seront les fueillaiges & aultres membres au  
 plaisir de larchitect. Lon pourroit aussy mestre sur les  
 Modiglions l'œuure Doricque, Ionicque, ou aul-  
 cunefois la Corinthe, conseruant les Rei-  
 gles donnees au commencement. Et  
 a celle fin, que la gorge recep-  
 uant la fumee, puisse auoir  
 bonne ouuerture,  
 lon luy pour-  
 ra faire  
 ceste  
 petite or-  
 dre dessus, la-  
 quelle vient a luy  
 donner plus gorgiale  
 forme que les acoustumez  
 qui admortissent en  
 pyramide ou  
 poinctue.










## DE QUATRE MANIERES DE SIMMETRIES.

**G**rand iugemēt conuient auoir l'Architect, pour la diuersite des cōpositiōs & aornemētz des edifices, a cause q̄ aucunes places en l'architecteure sont, auxquelles peultēt quasi estre donne certaines reigles: car se ne sont nulz accidētz qui entretiennēt hors de nostre opiniō. ains iournelement on voit en plusieurs colōnes pour les diuerses positiōs se demōstrer en elle mesme diuers mesures, selon le lieu ou elles sont posees. Ce rechangemēt donnēt on en lune des.4. manieres, situant la colōne quasi en insule sans aulcū acōpaignemēt d'assistance des costez ou de derriere, laq̄lle certainemēt supporte grād poix, & en leurs haulteurs ne excedēt la reigle predicte. l'exemple en est a la premiere colō. A. Mais l'adioinct on contre le mur (toutesfois entieremēt ronde) duquel elle sera entretenue & aydee, se pourra esleuer ou essonger plus haulte q̄ la predicte dune grosseur. l'exēple en est a la colō. B. Ou tirant icelle seullemēt. 2. tiers hors du mur, pourroit mōter encore vne grosseur ou plus que l'autre, a cause qu'on en voit de telles en aulcū edifices mōter iusques a neuf grosseurs & demye, & principalemēt au Colisee de Rome en l'ordre Doricq; ainsi quil est demonstre en la colō. C. Mais encore est elle plus assistee quāt elle a le pilastre au coste, lequel porte rōutte la charge, donnāt a l'architecte cōmodite a faire la colōne plustēdre, voire si delicate q̄ mieulx doibt estre tenue pour decoratiō que soubstenemēt. Encore peult on tirer la colonne hors du mur deux tiers, en meētāt a chascū coste vng demy pilier, lesquels soubtiendrōt la colōne, en sorte que se pourra esleuer dune grosseur. Et en cest endroit l'archit. frise & corniche pourront sortir iusques sur la colōne ronde, & aussi ce ycelle fut platte, pource q̄ les demy piliers soubstiendrōt au costez l'architrabe, &c. mais sur colōne seule, est vitieus faire telle proiecture: car les costez seroient habandonne sans aucune assistance. l'exemple voit on en la colonne D. Mais les colōnes ayāt a supporter quelq̄ pesanteur sans aucunes aydes, & ayāt leurs raisonnables entrecolumnes, ne sera licentie d'aller hors de la determination: Voire ont elles ordre sur ordre a soubstenir, raison sera quelle soient de plus grande force, a fin que l'œuvre soit plus durable. Et neantmoins que le piedestal soit grāde ayde a l'esleuemēt de la colōne, toutesfois si elles estoient longues assez, ie prīeroie laisser le piedestal au derrier, & cela au premier ordre. Mais du secōd & troiziesme ordre veu la raison des podies, aussi pour leleuatiō de la colōne, seruēt les piedestals: & cecy ont faictz les Romains aux Theatres & Amphiteatres. Et quāt aux positiōs des colō. sur colō. sont diuerses raisons. La premiere est q̄ la proiecture du piedestal de la colōne surmise, ne sortira que la grosseur de la colōne d'embas: & ceste raison seroit la plus raisonnable. mais pource que la secōde ordre fort samoindriroit de la premiere, ne seruiroient plus nulles ordres dessus icelle, veu la grande diminuation suyuant. Aultre raison sera & myeulx a propos, que le plat du piedestal doibt estre du moins en perpendicule au tronc de la colōne embas, & dessus icelluy asseoir la colonne diminuee la quarte partie a celle dembas, & par ainsi saccorde ceste reigle a celle de Vitru. au Theatre. l'exēple est dessus la colōne A. Et se on veult faire la colōne de moindre diminutiō, l'on pourra faire la colonne superieure en l'inferieure partie semblable a la grosseur du dessus, de celle de desoubz. Mais a ceste endroit viendra le plat du piedestal plus large q̄ le diametre de la coulōne dembas: neantmoins celles du Theatre Marcelli font tel effect. l'exēple voit on sur la colō. B. Et ces.iii. raisons sont assez approbables. Mais les Antiques firent en la grāde Fabricque du Colisee les colōnes Ionicque, Corinthie, & Composite, toutes dune mesme grosseur, & la Doricque soubz toutes les aultres feirent plus grosse enuyron dune vingtiesme part. Et cecy (a mon semblant) faisoient par bon aduis: car si les colōnes furent estees la quartiesme partie diminuees lune sur l'autre, la derniere ce fut demōstre en telle grande Fabricque, veu la longue distāce, par trop petite. Lesquelles voit on maintenāt bien correspōdantz par la haulteur. l'exēple est dessus la colōne C. Et ainsi cōme la colōne de dessus D, moindre est que celle de desoubz la quatriesme partie, pource, a on a faire quelque moyenne edifice de trois ordres, ie prīeroie qu'on diminuast chascune ordre la quatriesme partie, suyuant la doctrine de Vitru. Mais si la Fabricque est de fort grande haulteur, l'on pourra vser de lordre du Colisee, que l'ordre Doricque, Ionicq; & Corinthie, soit quasi dune haulteur, mais lordre du dessus acroisse en haulteur enuyron la cinquiesme part. Et cecy est comme iay dict, que pour la grande distance de la veue viendra a sembler icelle partie de haulteur egale aux aultres ordres. Et combien que la demonstration de ces colonnes icy soient Doricque, neantmoins suyuent apres toutes manieres des coulomes.










## DES PIERRES DVRES ET CVYTES.

**C**omme ayant traicté de tant & diuerſes aornementz de pierres, ceſt doncques bien raiſon que ie deſclore comment on les pourra meſtre en oeuvre. Et principalement ayant a conioindre pierres dures avecques pierres cuytes. Leſquelles choſes acquierent grande diligence & ſcience, pource que les pierres cuytes eſtantz comme chair en la fabricque, & les pierres naturelles ſemblable aux oz qui la ſouſſtiennēt. Leſquelles dictes deux choſes, ſi ainſi eſt qu'elles ne ſoient enſemble bien liees & ſerrees, par long temps elles deſſauldront. Le fondement doncques aſſiz & ſitue en la maniere comme la place requerera, il eſt neceſſaire, que Larchitecte ingenieux ayt fait preparer a labourer toutes les pierres dures, & auſſy les cuytes bricques meſmement toutes aultres matieres duiſables a la fabricque. Et ainſy ſur vng temps maſſonner & allier enſemble les pierres cuytes avec les dures. Et icelles pierres dures conuiendra entrer au mur auſſy auant, que ſi ny venoit point de mortier a l'entour, qu'on puiſſe iuger ſe pouoir tenir ſeule ferme audict mur. Ce faiſant l'oeuvre paruiendra a longue duree. L'exemple de ce voit on cy decoſie en la figure A. Et illec demonſtrāt comment l'on pourra faire les podies ſans nulz ſoulcys. Si lon ha Piedeſtales avec colōnes a poſer deſſus, la ou pierres dures & moles enſemble viennēt, & quelles ne ſoient fort bien enſemble conioinctes, ainſy qu'en la figure B l'on peult apparcevoir, telz ouuraiges ne ſeront de longue duree. Et ſi les coulōnes ſont de pluſieurs pieces, aucunes d'icelles aſſeauoir les plus petites, ſera bon quelles entrent parfond en dedens mur, pour aſſeurement ſouſſtenir les aultres. Mais ſi icelles coulōnes ſont d'une piece, deſirent eſtre pour le moins la tierce partie enmurees, excepte les Baſes & Chapiteaux, qui entreront beaucoup plus dedens ledict mur, Et ſur tout quant aux Corniches & Couronnes ſaillantes fortes hors mur, conuiendra que la pierre non ouure, qui entre dedens ledict mur, ſoit de tel contrepoix, quelle emporte les ſailies d'icelle Corniche, a celle fin que d'elles meſmes ſe ſupportent. Mais ſi par faulte ou grande deſpence de pierres eu marbres, l'on voudra touteſſois reueſtir quelque face ou eſtage, ſera doncques neceſſaire que l'Architecte auant quil commence hors terre a maſſonner, ayt fait preparation tant des pierres dures comme de toutes aultres matieres a ce neceſſaires. Et ainſy maſſonnant & ferrant leſdictes pierres dures avecques pierres cuytes, ie diz quil conuiendra a d'aucunes pieces entrer ſi auant au mur, qu'elles puiſſent ſouſſtenir les aultres pieces, par force de conioction, ainſy que veoir pouez en la figure C. A celle fin que par longue duree de temps ne ſe diuertiffent lune de l'autre. Mais a l'intention que le mur deſdictes pierres cuytes ne ſ'enfonce, & en enfonçant briſeroit les pierres dures qui ſont tendre de corpulence, par la charge de deſſus, ſeroit choſe conuenable dauoir bonnes pierres cuytes, bien quantonnes, bon mortier trempēz, & entre les pierres peu d'iceluy mortier, & fort bien ioindue lune ſur l'autre. Et deſſus toutes choſes ne veullent telz ouuraiges eſtre faitz par violence, ny auſſy en haſte pacquer lung des poix ſur l'autre, mais les laiſſera on reſoſer de pierre ſur pierre: car ſi on les veult haſtiuement maſſonner & poſer au deſſus grande peſanteur, par ainſy ſera certain, que le mur quelque peu effondrera, & les pierres (n'ayant puiſſance de regir la peſanteur) conuiendront rompre. Ains eſt il fait avec le temps, toutes choſes demeurerōt en leurs eſtatz. Neantmoins ie priſeroie touſiours plus les ouuraiges, entierement lyees en dedens mur, que les adionctions ou veſtementz d'iceulx, Et principalement aux mures de dehors n'appartient point a mon aduis de les faire. Pource que en iceulx Edifices en tant petit nombre quilz ſoient eſtez faitz des Antiques, couuers de marbre & aultres pierres fines, ſe voyent maintenant ſans eſcorce, la ou les maſſes ſeulement des pierres cuytes ſont demeurees. Mais les Edifices qui avecques les pierres dures & cuytes ſont enſemble conioinct & lyees, voit on au iourd'uy en leurs ſtatues. Nonobſtāt veult on faire oeuvre de ceſte ſimplicite, me ſemble cecy la plus certaine voie. Combien que aucuns Architectes en diuerſes places d'Italie ont fait aucuns Fabricques de ſimples murs. Laiſſant en iceulx la place des pierres dures. Et vng temps apres ont poſe dedens les aornementz, touteſſois a cauſe que telles choſes ne ſont bien lyees en dedens mur, mais quaſy attache, ſe voit on en pluſieurs lieux des pieces tumbees & iournellement decliner en ruynes.








# Des Portes ou huys de bois ou metal.


## CHAP. X.



Elon mon aduis, iay assez competement traicte des aornementz dune chascune maniere d'edifices touchant aux pierres. Maintenant traicteray ie des portes ou huys qui fermeront lesdictes edifices soient de bois ou de metal, & demonstreray d'iceulx aulcunes figures. Des pendantz ou charnieres ne parleray plusauant, car en tout le monde lon en ha congnoissance. Neantmoins lesdictes charnieres desquelles les Antiques vsoient, ainsy que en la figure A, est demonstre, donnoient a ledifice maindre charge, & estoient fortz ayfibles a ouurir & a fermer, plus que ceulx qui se vsent par tous les pays selon la figure B, Mais si ces huys icy sont de bois ou de metal, leurs aornementz se feront en telle maniere, que aulrant que les aornementz des pierres seront de grande fortitude, les aornementz des portes ou huys suyuront apres, a cel le fin quilz se resemblent. Et le contraire, est l'aornement delicat, par ainsy fera on lhuys soit de bois ou de cuyure, icelluy resamblant. Laquelle election sera au vouloir & plaisir des architectz. Et pour donner aulcunes declarations de telz aornementz, vous verrez cy decoste cinq manieres diceulx, desquelz la plusgrand part sont prins hors des Antiques.









## DES RAMES AVX HVYS , ET DE LEVRS ASSEMBLAIGES.

**P**ource que les portes, huys, ou fueilletz (ainfy  
que nommer les voulons) ne sont tousiours  
faictes d'une piece, & que a celles de telle sorte  
n'appartiennent nulz bois ne fers, mais  
faire lon peult les charnieres &  
pendentz de la mesme piece.  
Ceulx qui se font de bois, & apres  
couvertz de cuyure d'une raisonnable  
espesseur, si elles sont de tables ioinctes  
lune a laultre, combien quelles soient bien col-  
lees, & avecques cheuilles ou griffres soient bien gar-  
dees, neantmoins cest tousiours la nature du bois de soy re-  
tirer & de croistre, selon que le temps est seiche ou moiste. Veult  
on doncques faire de telz huys couvertz de fer, de cuyure, ou d'autres  
metaulx, la plusasseuree voie apperceoit on en la figure A, & B. Car les bois  
ne croissent, & ne se retirent iamais en la longueur, mais demeurent tousiours en  
leurs estatz : Desquelz bois, la formosite ou delicatete sera au vouloir de larchitect,  
selon la pesanteur que iceulx auront a porter. Pareillement peult on aussy remplir  
les espaces du mesme bois. Et pource que tous les huys anticques en general  
sont de forme quarree, excepte ceulx des portes d'une Ville ou Arche  
triumphal, lesquelz sont voulsez : Neantmoins en nostre temps  
faict on beaucoup des huys voulsez paraduventure pour plus-  
grande force, & que aussy a d'aulcuns edifices vien-  
nent tresbien a propos. Et diceulx pour le moins  
ay voulu demonstrier vne inuention, pour-  
ce que en verite lon ne peult tous-  
iours le tout comprendre. Car a  
larchitect en aulcuns temps  
suruiennent telz acci-  
dentz que alhors  
il commence  
a ordon-  
ner.









# Des aornementz des painctures par dehors

## ET PAR DEDENS DES EDIFICES.

### CHAP. XI.



Celle fin, que ne laisse aucunes sortes d'aornementz, desquelles ie ne traite quelque reigle, tant des painctures comme des aultres choses, Pource ie diz que a larchitect n'appartient prendre soing seullemēt des aornementz des pierres ou marbres, mais aussy de l'œuvre du pinceau, pour decorer & enrichir les murs. Et luy est conuenable dicelles donner l'ordonnance, comme patron de tous ceulx qui seront mis en œuvre de la fabricque. Et cela pource que d'aulcuns painctres ont estez vaillantz assez quant a la pratique : mais a la reste de si peu d'entendement, que iceulx vueillantz demonstrent leurs maniementz des couleurs, ont aucunesfois separe & gaste quelque ordre, Par ce quilz nont heu la consideration de poser leurs painctures vne chascune selon leurs appartenāces. A ceste cause ayant a decorer ou enrichir aucunes faces d'edifices avec le pinceau, il est certain, quelle n'appartient auoir ouuerture, en laquelle fainde estre ciel ou paysage, car icelles corrompent l'edifice. Et dune chose qui est formoseuse & solide, la transforment en vne transperation non forte semblable a vne ruynee ou imparfaicte edifice. Pareillement ny appartiennent nulz personnaiges ny animaux coulorees, si ce nestoit que lon ingeniaist aucunes fenestres ou huys ausquelz viendroient figures. Nonobstant si l'hoste de la maison ou le painctre desirent couleurs, a celle fin qu'on ne brise ou gaste l'œuvre, lon pourra controuer quelque linge lattachant au mur, & en iceulx peindre ce qui leur plaira. Mesmement lon peult selon l'usage des triumphes, pendre aux murs festons faictz de feuilles, fruietz, & de fleurs. Semblablement, escuz ou targes & trophées, & telles semblables choses, qui sont remuantes ou mobiles. Mais si lon veult dung entendement ferme peindre les murs, on les peult finger de marbre, ou aultre pierre, y entretailant dedens icelle ce q lon voudra. De metal peult on aussy enrichir aucuns nichetz de figures, par ainsi demeurera l'œuvre stable, & de heu dhonneur de tous ceulx cōnoissantz les vrayes entre les faulces. Surquoy de nostre aucteur sont icy alleguez beaucoup d'ouuriers excellentz (lesquelz pour la briefuete, ie oultre passe) qui n'ont vsez aux edifices sinon de couleurs blanches & noires, & neantmoins de telle gaillardise & valeur, quelles ont rendue a tous ingenieux & speculatifz la veue de grande admiration. Lon peult aussy a lentour des mures dune gallerie circuyant les iardins, avecques bonnes raisons enrichir de quelque ouuerture, & de couleurs y faire paysaiges, aers, maisons, figures, animaux, ou ce que bon semblera. Pareillement si lon ha chambres, sales, ou aultres places par terre, a decorer au dedens, en cest endroit est au painctre licentie, de pouoir sur les mures ou parois en maniere d'architecture peindre aucunes ouuertures; & de veoir oultre selon que la place est. Car au dessus de la veue ne faict on sinon aer, ou voulsure, haultes montaignes, & de veoir le pignons ou dessus des habitations. Assied on aussy quelques figures au dessus de la veue, il conuient les veoir de desoubz, & non point le dessus du plant ou elles sont situees. Et si le painctre veult aucunesfois par l'art de perspectiue faire sembler vne sale ou aultres esloignees stanties, il pourra faire a lencontre de lentree par aucunes ordres d'architecture icelle sembler estre loingtaine, plus que en effect elle ne fera. Et ce feist Baltazar (aussy docte en cest art, que nulz aultres de nostre temps) aornant vne sale de Augustin Ghyse Marchant de Rome, faingnit par ceste science aucunes coulomnes & aultres Architectures venantz a propoz, en telle maniere, que le grand Pierre Arretyn, aussy iudicieux a la paincture comme en la Poésie, eust dict ne estre en dedens icelle maison plus parfaicte paincture que icelle : Combien que la aussy est de l'œuvre de la main de Raphael durbin. Quant doncques les murs seront aornez, veult on alors enrichir les voulsures, on ensuyura les vestiges des Antiques, en faisant choses appellees grotesques, lesquelles, veu qu'on les peult faire a plaisir, y viennent bien dedens, comme sont feuilles, fleurs, animaux, oyseaulx



& aultres diuerſes fantasies . Lon faiſt auſſy aulcuns linges ou drappeaux , tenuz de figures , ou a quelque aultres choſes atachez : Auſquelz ſans nulle reprehention , faire lon peult ce qu'on voudra, Mais ſil vient au plaifir du painctre de faire en ladiſte vouſſure quelque figure comme viuante, conuient quil ſoit bien entendu & fort exercite en la perſpectiue , & iudicieux a choiſir choſes venantes a propos de la place, Et pluſtoſt choſes celeſtes vollantes que terriennes, les faiſant de tel artifice , que il ſcache faire ſes figures racourſir de telle ſorte (nonobſtant quelles ſoient monſtrueuſes) que eſtant arriere en ſa droicturiere diſtance, ſemblent eſtre viſz. Et combien que cecy ſoit a Lorette , Mantua , & en pluſieurs places d'Italie de pluſieurs ouuriers bien faiſt , touteſſois ont les painctres trefentendu en noſtre temps fuyz & euitez telz reſcourſſimentz. Pource que veritablement neſt ſi gracieux, ny delectabile a la veue de l'homme. Pourrant Raphael durbin, lequel touſiours appelleray Diuin , car ſon pareil en ceſt endroit (du ſurplus ie me tays ) na point heu , comme lon iuge de luy : quant il voulut enrichir ou decorer la gallerie dudiſt Auguſtin Ghyſe , ſe faindit aultant que poſſible fut les racourciſſementz . Car quant il paruint au deſſus de la vouſſure, & que en icelle il voulut faire le conuiue des dieux, choſes celeſtieles & a propos de la vouſſure , en tirant hors la rudeſſe des racourciſſementz , faindit vng linge de couleures celeſtieles atache aux feſtons , comme choſes mouuantes , & fait en icelluy lediſt conuiue tant artificielement & decorablemēt, qu'on pouroit repouter ladiſte gallerie plus pour appareillement de quelque triumphe , que pour paincture perpetuele faiſte contre le mur. Par ainſi doncques larchitecte lequel ſans la perſpectiue ne peult & ne doit eſtre, ne ſouffrira, comme ſuperieur des ouuriers qui en la fabricque beſongnent, quelque choſe eſtre faiſte ſans ſon conſeil & iugement.


## Des trauœures ou planchiers platz, ET DE LEVR AORNEMENTZ. CHAP. XII.



Ombien que en noz pays bas lon ne vſe d'enrichir ou decorer les vouſſures d'œuure de bois , Nonobſtant vne maiſon par dehors entierement faiſte ſelon la vielle maniere, ſeroit choſe mal ſeante, que les vouſſures ſeulement naccorderoient, mais auſſy, couches, bancqz &c . Et que plus eſt, ie diroie que le dedens dune chaſcune eſtage deburoit eſtre eſtoffee a lequipolent de lordre qui par dehors ſe demonſtre. Je dis doncques , ſi le ciel ou planchier, eſt de grande haulteur, que les diuiſions appartiennent d'eſtre hardies, large d'eſpaces, & de bonne ſaillie : & les veult on aorner de painctures, conuient icelles eſtre auſſy ſolide, & formoſeuſe, conformant a la grandeur & eſloignement. Doibuent auſſy eſtre faiſtes de blanc & de noir, Et au milieu des champaignes meſt on vne roſe doree. Mais ſi on y veult vſer d'aulcunes couleures, on fera le champ dazur comme trefpercee . Et ſeront leſdiſtes roſes lyez & ſceintes d'aulcuns fueillages ou grotſques , a celle fin, qu'elle ne ſemble pendentes en l'aer. Et que les Corniches qui enuyronnent les quarrez & aultres champs, ſoient touſiours bien dorees, ou de la meſme couleur eſtoffez . Ains ſil ſuruient par aulcun accident, que le planchier ſoit de petite haulteur, lon fera l'œuure tant plus petite & delicate , pareillement les painctures . Et parainſy eſt bon a entendre, en meſtant cy enſuyuāt deux figures, leſquelles touteſſois ſont vne, l'une de bois nud, & laultre eſtoffee, Ainſy que cy apres le diſt . Et ceſte ordre ay ie tenu au ciel de la grande librairie au palais de Venize, au temps du prince Andrea Gritti, pource que ceſtuy ciel plus bas eſtoit que ſon appartenance, ſelon la longueur & largeur de la ſale. Parquoy ie la feiz de tant plus delicate œuure pour la raiſon deſſuſdiſte.



LOEVVRE DE BOIS ESTANT EN LA LIBRAIRIE SVSDICTE.






Vecy l'ordonnance de l'estoffaige de la mesme.






VNE AVLTRE MANIERE DE PLANCIERS.











Les iardins sont aornementz des fabriques, a quoy seruent ces .4. figures.
















ET pour la fin parle nostre aucteur des armes, cest a scauoir, comment & en quelle maniere icelles lon pourra ordonner, coulourer, & poser, selon lestat, maniere, & nature : par ainsi qu'on pourra apperceuoir en icelles, de quelle descende ou d'ou peullent estre uenus. Car (come il dict) nous ueons les Antiques auoir figurez les Princes en leurs Maiestez, les Euesques en Pontifical, les Capitaines armez : & ainsi ung chascun au mesme habit come luy sera conuenient. Consequemēt il desire auoir mis les armes audeuant des edifices ordonnees & coulourrees d'animaulx, d'oyseaulx, &c, d'or, d'argent, celestiele, terrienne, feumeuse ou couleur noir: mais iamis metal sur metal, ne couleur sur couleur. Mais a cause que les Architectz des pays de pardecha ne sont acoustumez ordonner aucunes armes a leurs bons semblantz, nous passerons oultre, & en la place d'icelles poser figures de lectres, desquelles a l'architect surueignent souuentefois a tailler, ou en aultre maniere asscoir, comme sus portes, huys, frises, & aultres tablettes, pour aucuns noms, tiltres, deuises, ou aultres enseiementz mettre dedens icelles, a la uolente du patron de l'edifice, ou pour prendre congnoissance de palais, & aultres certaines places ordonnees. L'architect doncques n'ayant congnoissance de bonnes lectres, est contrainct a chercher de pres & de loing quelcun, luy ueillant escrire les susdictes lectres. Et combien que les ayt par figure, toutesfois par faulte de n'entendre leurs droictieres proportions, les fait corrompues, a deshonneur de l'oeuvre & de ceulx qui lesdictz lectres ont pourtraict & designe. Pourtat si elles sont par Lucas Patiolus, Geofroy Tory, & Albert Durer figurees, lesquelles egaleement ne se concordent : neantmoins iay bien uolu demonstrier les aultres pour une comune reigle, ensuyuant nostre aucteur Lequel (en laissant au derrier toutes superstitions) ayt d'une mesure conioinct & assemble les Coulomnes & Pie destalz : & par l'auctorite duquel quasi ie uouldroie dire, que icelles lectres ne doibuent estre faictes plus ne moins haultes, que la consequence de chascun ordre de coulomnes. Mais pour demonstrier par description la Symetrie, a celle fin de non trop m'aduancer, ueulx ensuyure Vitruue la ou il dict, Que la Coulonne Ionique estant de neuf parties en haulteur, & aussy que par la demonstration de diuers Auteurs, ont este trouuees ces presentes formes de lectres au pays Ionique. Parquoy les laise aussy de neuf mesures. Et si on les uoloit faire selon le Corinthe ou composite, de dix plus ou moins parties, ne diroient point mal. Car ainsi comme la Corinthe est la pluspart use pour sa gorgiasse & delicate forme, se font aussy cesdictes lectres le plus souuent de dix mesures. Mais sont elles faictes aupres la Dorique & Thuscane de sept ou huit diuisions, pour la deuantdictie raison ne me sambleroit a mespriser, considerant la materialite de l'oeuvre. Pareillemēt selon la doctrine de Vitruue, se pourrout rechanger les Symetries, ainsi que deuant suffisamēt est mentionne: car par aucunes causes samblent estre trop materielles & delicatues voire toutes faulces que en effect ne sont. Pour icelles doncques aiseement former, se fera premieremēt ung quarre parfait en partissant icelluy selon la grosseur des lectres. Mais si elles sont de huit, neuf ou dix copartemens, plus ou moins, par ainsi sera tousiours le plus delie traict d'une troiziesme partie de la grosseur & le traict des trauers de la moictie dicelle. Les faillies ou boutz auront pour le moins aultant de proiecture cōe la grosseur des dessusdictes, tirees au copas. Mais de combien que icelles entrent & sortent dudict quarre, & en quel lieu lon pourra asseoir le compas a tirer ung rond, uoit on aux figures. O peult on mettre sur la mesure du Q. La queue de Q. s'estendra d'ung quarre & demy, & effond d'ung demy quarre : aucuns font quelque peu plus court. Je ne ueulx soubstenir icelles lectres estre les meillurs, mais ung chascun prengne celles a son plaisir.









M N O

P Q R

S T V


X Y Z






How many of these wheels can you make? How many of these triangles can you make?



























APR 8 1936



